

癸 二 標	謂三種事總攝一切諸佛言教。
癸 三 列	一、素怛纒事，二、毗奈耶事，三、摩怛履迦事。
癸 四 指	如是三事，攝事分中當廣分別。
壬 二 想差別施設建立相 一	
癸 一 徵	云何想差別施設建立相？
癸 二 釋 四	
子 一 初 頌 攝 一	
丑 一 標	溫陀南曰：
	句迷惑戲論 住真實淨妙 寂靜性道理 假施設現觀
丑 二 釋 十二	
寅 一 句 一	
卯 一 列 釋 一	
辰 一 聲聞乘說 十三	
巳 一 六 處	云何句？
	謂內六處無量境界、無量方所、無量時分。
巳 二 三界 二	復有三界：謂欲界、色界、無色界。
午 一 初義	又有三界：謂小千世界、中千世界、三千大千世界。
午 二 後義	復有四眾：謂在家眾、出家眾、鄔波索迦眾、非人眾。
巳 三 四眾	復有三受：謂苦受、樂受、不苦不樂受。
巳 四 三受	復有三世：謂過去世、未來世、現在世。
巳 五 三世	復有三寶：謂佛寶、法寶、僧寶。
巳 六 三寶	復有三法：謂善法、不善法、無記法。
巳 七 三法	復有三雜染：謂煩惱雜染、業雜染、生雜染。
巳 八 三雜染	
	如下決擇分說陵本六十四卷六頁。或復事為依處 方起言說從所依事，彼能依言 亦得事名。此中事依處略有三種差別：一者、根本事依處，二者、得方便事依處，三者、悲愍他事依處。攝釋分中廣釋其相陵本八十一卷六頁。於彼彼事，由語及欲 次第編列名句文身 是名施設。次第編列已 略為他說 是名建立。梵素怛纒 此云契經。梵毗奈耶 此云調伏。梵摩怛履迦 此云本母。如是三事，普攝一切所應說義 是故說言總攝一切諸佛言教。
	想差別施設建立相等者：決擇分說：想差別教者：謂廣宣說諸蘊、界、處、緣起、處非處、根、諦等，名想差別；又復廣說諸念住等，名想差別；又復廣說有色無色有見無見有對無對等，名想差別。如是無量諸佛世尊，廣說諸法想差別教陵本六十四卷六頁，此應準釋。下有四頌 一一別列 隨文可悉。
	云何句者：若法若義 施設安立 皆得句名。下文所列 種種非一，皆句差別應知。
	謂內六處無量境界等者：此說一切有情自體 由內六處為所依止 故有無量境界以為所緣 無量方所以為居止 無量時分流轉不息。
	復有四眾等者：此中前二 人眾所攝 後非人眾 攝餘一切。問：何故此中唯說鄔波索迦眾，不說鄔波斯迦？答：鄔波斯迦墮在家品故 相似學所顯故 當知攝屬鄔波索迦。決擇分中近事律儀 不說近事女律儀陵本五十三卷七頁。義同此類 故準彼釋。

已九四聖諦	復有四聖諦：謂苦聖諦、集聖諦、滅聖諦、道聖諦。	
已十九次第等至	復有九次第等至：謂初靜慮等至，乃至滅想受等至。	復有九次第等至等者：謂四靜慮、四無色 及滅盡定，是名九次第等至。
已十一三十七菩提分法	復有三十七菩提分法：謂四念住、四正斷、四神足、五根、五力、七覺支、八道支。	
已十一西沙門果	復有四沙門果：謂預流果、一來果、不還果、最勝阿羅漢果。	
已十二眾多功德	復有眾多勝妙功德：謂無量解脫、勝處、遍處、無諍、願智、無礙解、六神通等。	復有眾多勝妙功德至六神通等者：此中等言 當知等取聲聞乘中除前已說諸餘所未說句，如蘊善巧等，及有色無色等，皆應廣說，故置等言。勝妙功德，聲聞乘中唯有爾所，更無所餘為等取故。
辰二唯大乘說 ^{十四}		
已一五事	復有方廣大乘五事：謂相、名、分別、真如、正智。	復有方廣大乘五事等者：謂大乘中諸所說句，於十二分教方廣一分攝。由是說言方廣大乘，不共聲聞，是故別說。於中五事：謂若略說，所有言說安足處事，是名為相。即於彼相所有增請，是名為名。三界行中所有心心所，是名為分別。法無我所顯，聖智所行，非一切言說安足處事，是名為真如。唯出世間正智及世間出世間正智，是名為正智。決擇分中正廣分別應知，陵本七十一卷四頁。
已二空性	復有二空性：謂補特伽羅空性 及法空性。	復有二空性等者：補特伽羅唯假安立，應觀為空，而於三世唯行、唯法、唯事、唯因、唯果諸相可得，應觀不空，是名補特伽羅空性。又法自體，隨名假立，應觀為空，假有所依，其事非無，應觀不空，名法空性。二無我性，隨應進釋。聲聞地說：由無所得行趣入空行，由不自在行人無我行，陵本三十四卷十五頁。如是空、無我性差別應知。
已二無我性	復有二無我性：謂補特伽羅無我性 及法無我性。	
已四離二邊行	復有遠離二邊處中觀行：謂離增益邊、離損減邊。	復有四種真實及四尋思四如實遍智等者：此中差別，皆如真實義品中說，陵本三十六卷八頁二十一頁。
已五四種真實	復有四種真實：謂世間所成真實、道理所成真實、煩惱障淨智所行真實、所知障淨智所行真實。	
已六四尋思	復有四尋思：謂名尋思、事尋思、自性假立尋思、差別假立尋思。	
已七四如實遍智	復有四如實遍智：謂名尋思所引如實遍智、事尋思所引如實遍智、自性假立尋思所引如實遍智、	

已八三種自性	差別假立尋思所引如實遍智。	復有三種自性等者：此如決擇分中正廣分別應知陵本七十二卷十二頁。
已九二無性性	復有三種自性：謂遍計所執自性、依他起自性、圓成實自性。	復有三無性性等者：此三差別 決擇分中廣釋其相陵本七十六卷七頁。
已十五相大菩提	復有三無性性：謂相無性性、生無性性、勝義無性性。	復有五相大菩提等者：此亦如決擇分廣釋應知陵本七十四卷九頁。
已十一五種大乘 ^三	復有五相大菩提：謂自性故、功能故、方便故、轉故、還故。	
午一標	復有五種大乘：	
午一列	一、種子 二、趣入 三、次第 四、正行 五、正行果。	
午三釋	最初發心悲愍有情、波羅蜜多、攝眾生事、自他相續成熟。	最初發心等者：此中五句 如次配釋前說種子等義。為顯不共聲聞、獨覺 是故名為五種大乘 謂由菩薩自乘種姓為先 是故能發最初無上大菩提願。初發心已 即名趣入無上菩提 普於十方世界一切有情願令離苦 是名悲愍有情。若入地已 如其十地次第差別 圓滿修習十種波羅蜜多、為熟有情 行四攝事 是名攝眾生事。如是自加行滿 無間能證三障清淨 名自相續成熟。又復於他三乘種姓補特伽羅 隨其所應 令乘三乘法而得出離 名他相續成熟。
已十二五無量想	復有五無量想：	復有五無量想等者：此五無量 如菩薩地廣辯應知陵本四十六卷十五頁。
	謂有情界無量想、世界無量想、法界無量想、	
	所調伏界無量想、調伏方便界無量想。	
已十三真實義隨至	復有真實義隨至：謂於一切無量法中、遍隨至真如及於彼智。	復有真實義隨至等者：此中真如 謂七真如：一、流轉真如 二、實相真如 三、唯識真如 四、安立真如 五、邪行真如 六、清淨真如 七、正行真如。此七真如 遍滿一切無量法中、名遍隨至。能緣真如無漏智見 於一切法如理思惟 名於彼智。
已十四不思議威德勝解等	復有不思議威德勝解無障礙智、三十二大士夫相、	復有不思議威德勝解無障礙智等者：已入大地諸菩薩 及諸如來所行境界、最極甚深 名不思議。諸佛菩薩威力自在 最極廣大 是名威德。廣大阿世耶、廣普阿世耶 二平等解 是名勝解。如顯揚論說顯揚三卷九頁。於一切界、一切事、一切品、
	八十種隨形相、四種一切相清淨、十力、四無所畏、三念住、	一切時、智無礙轉 是名無障礙智 如菩薩地菩提品釋陵本三十八卷一頁。三十二大士夫相 乃至一切種妙智 皆如菩薩地
	三不護、大悲、無忘失法、拔除習氣、一切種妙智一等。	
卯二結攝	如是諸句 略唯二句：謂聲聞乘中所說句 及大乘中所說	

寅二迷惑	句。 云何迷惑？謂四顛倒： 一、於無常計常顛倒 二、於苦計樂顛倒 三、於不淨計淨顛倒 四、於無我計我顛倒。	建立品(寶陵本四十九卷七頁)。此大乘中，除前已說諸餘所未說句，皆應廣說，故於最後，更置等言。
寅三戲論	云何戲論？謂一切煩惱及雜煩惱諸蘊。	云何戲論等者：此中煩惱戲論所生，及彼諸蘊亦為戲論之所依緣，由是因緣，皆名戲論。
寅四住	云何住？謂四識住、或七識住。	云何住等者：此中四識住，如決擇分(寶陵本五十四卷二頁)。
寅五真實	云何真實？謂真如及四聖諦。	七識住，如七種佛教所應知處(寶陵本十四卷二十三頁)。
寅六淨	云何淨？謂三清淨性： 一、自體清淨性 二、境界清淨性 三、分位清淨性。	謂三清淨性等者：攝大乘論說：有四清淨法：一者、自性清淨，謂真如、空、實際、無相、勝義、法界。二者、離垢清淨，謂即此離一切障垢。三者、得此道清淨，謂一切菩提分法、波羅蜜多等。四者、生此境清淨，謂諸大乘妙正法教(攝論三卷九頁)。今說三種隨應準釋。自體清淨性，即彼自性清淨。境界清淨性，即彼生此境清淨。分位清淨性，即彼離垢清淨，及得此道清淨應知。
寅七妙	云何妙？謂佛法僧寶，名最微妙，墮最第一施設中故。	
寅八寂靜	云何寂靜？ 謂從善法欲，乃至一切菩提分法，及所得果，皆名寂靜。	若自相若共相等者：諸法體相，若有若無，應正觀察自相乃至果相，是名五種所觀有法。思所成地一一別釋應知(陵本十六卷一頁)。復有所餘所觀無法，故於此後，更置等言。
寅九性	云何性？謂諸法體相。 若自相、若共相、若假立相、若因相、若果相等。	云何道理等者：十二有支，名諸緣起。唯前前支，引後後支，無有作者及與受者，是名緣起道理。四道理者，謂觀待道理等。賢聞地中別釋其相(陵本二十五卷九頁)。
寅十道理	云何道理？謂諸緣起及四道理。	云何道理等者：十二有支，名諸緣起。唯前前支，引後後支，無有作者及與受者，是名緣起道理。四道理者，謂觀待道理等。賢聞地中別釋其相(陵本二十五卷九頁)。
寅十一假施設	云何假施設？謂於唯法假立補特伽羅，及於唯相假立諸法。	謂六種現觀等者：有尋有伺地中唯列其名(陵本十卷十九頁)。決擇分中正廣分別應知(陵本七十一卷二頁)。
寅十二現觀	云何現觀？謂六種現觀，如有尋有伺地已說。	
子二第三頌攝 ^一		
丑一標	復次(溫柁南曰)： 方所位分別 作執持增減 冥言所覺上 遠離轉藏護	
丑二釋 ^{十二}		
寅一方所	云何方所？謂色蘊。	方所謂色蘊者：由諸色蘊有其方所，示現義故。
寅二位	云何位？謂受蘊。	位謂受蘊者：由苦、樂等受，前後分位變異故。
寅三分別	云何分別？謂想蘊。	分別謂想蘊者：由想能了有相、無相，或小、或大，或無量等

寅四作	云何作？謂行蘊。	差別故。
寅五執持	云何執持？謂識蘊。	作謂行蘊者：於行蘊中，思為最勝。今此偏說 謂思名作，由思能作善、染等差別故。
寅六增減 ^一	云何增？謂有二種：一、煩惱增，二、業增。	執持謂識者：於識蘊中阿賴耶識最勝，今此偏說 謂阿賴耶識名為執持，由阿賴耶識執持種子及諸色根令不壞故。
卯一舉增	如增有二種，當知減亦爾。	
卯二例減	云何寡？謂無明及疑。	
寅七寡	云何言？謂諸如來十二分教，說名為言。	
寅八言	云何所覺？謂彼彼言音所說之義，名為所覺。	
寅九所覺	云何上？謂四沙門果。	
寅十上	云何遠離？謂五種遠離：	謂五種遠離等者：受律儀戒，遠離十種不善業道，是名惡行遠離。修習梵行，遠離婬欲貪故，名欲遠離。成就杜多功德，遠離受用資具貪故，名資具遠離。住遠離處，獨一無侶，是名慣閑遠離。解脫三界一切煩惱，是名煩惱遠離。
寅十一遠離	一、惡行遠離，二、欲遠離，三、資具遠離，四、慣閑遠離，五、煩惱遠離。	
寅十二轉	云何轉？謂三界五趣。	
寅十三藏護	云何藏護？謂追戀過去、希慕未來、耽著現在。	云何藏護等者：當知藏護，即是貪之異名。異門分說：藏者，謂於內所攝自體中愛故。護者，謂於他相續中愛故。陵本八十四卷十六頁。今於此中，三世分別，隨應當知。
子三第三頌攝 ^一	復次嘔陀南曰：	
丑一標列	思擇與現行，睡眠及相屬，諸相攝相應，說任持 ^一 次第。	
丑二隨釋 ^九		
寅一思擇 ^二	云何思擇？	謂一行至無事句者：此中一行，即問論法。謂以一法與餘法一一互相問，已陳此法，更以第二法與餘法互問，如是二一問一切法。順前句者：謂於諸法中隨取二法更互相問，依止前法以答所問。順後句者：謂即一法展轉相問，依止後法以答所問。四句者：謂於所問，作四句答。無事句者：謂如計命即是身者
卯一徵		
卯二列 ^一	謂一行、順前句、順後句、四句、無事句。	
辰一句差別思擇		
辰二義差別思擇 ^四		

<p>已一有色無色等</p>	<p>復有有色法、無色法、有見法、無見法、 有對法、無對法、有漏法、無漏法、有為法、無為法、 有淨法、無淨法、有味著法、無味著法、 依耽嗜法、依出離法、世間法、出世間法、 有繫屬法、無繫屬法、 內法、外法、麤法、細法、劣法、勝法、遠法、近法、 有所緣法、無所緣法、相應法、不相應法、 有行法、無行法、有依法、無依法、因法、非因法、 果法、非果法、異熟法、非異熟法、有因法、非有因法、 有果法、非有果法、有異熟法、非有異熟法、 有執受法、無執受法、大種造法、非大種造法、 同分法、彼同分法、有上法、無上法、 又有過去法、未來法、現在法、善法、不善法、無記法、 欲繫法、色繫法、無色繫法、 學法、無學法、非學非無學法、 見所斷法、修所斷法、無斷法。 又有四緣：謂因緣、等無間緣、所緣緣、增上緣。 又有四依： 一、法是依 非補特伽羅， 二、義是依 非文， 三、了義經是依 非不了義， 四、智是依 非識。 又有四無量法、四念住法、四正斷法、四神足法、</p>	<p>彼計我是色，若計命異於身者 彼計我非色，若計我徧遍無一 無缺者 彼計我亦是色 亦非色，若為對治此故 即於此義中 由異句異文而起執者 彼計我非色非非色。此第四句 即無事 句 唯由異句異文而起執故。如是等類 皆應例知。 復有有色法至無斷法者：此中差別建立 多分如思所成地決擇 分廣釋應知陵本六十五卷六頁。唯除麤法、細法、劣法、勝 法、遠法、近法、有所緣法、無所緣法、相應法、不相應法、 有行法、無行法、有依法、無依法、因法、非因法、果法、非 果法、異熟法、非異熟法。當知麤法 乃至近法 如總善巧決 擇中寶陵本五十六卷^三五頁。有所緣法 乃至無依法 如四無 色蘊決擇中寶陵本五十五卷四頁。由順益義 是名因法 此 有十種差別。由成辦義 是名果法 此有五種差別。如有尋有 同地中廣釋應知陵本五卷九頁。與此相違 當知非因及非果 法。臨命終時 最後念心 是異熟法，若結生相續無間之心 亦是異熟，從此以後 所有一切自性住心 皆是異熟。此異熟 法 於一切處 當言唯是無覆無記。如決擇分有異熟法中寶陵 本六十六卷六頁。與此相違 名非異熟。 又有四緣等者：此如決擇分別釋應知陵本五十一卷十六頁。 又有四依等者。如三摩呬多地及菩薩地釋義應知陵本十一卷十 四頁、四十五卷一頁。 又有四無量法至遍處法者：此中四行跡法：謂苦遲通行、苦速 通行、樂遲通行、樂速通行。如聲聞地別釋應知陵本二十六卷</p>
----------------	---	--

卯二結	五根法、五力法、七覺支法、八支聖道法、	十一夏。四法跡法：謂即無貪、無瞋、正念、正定。如攝事分別釋應。陵本九十八卷二十四夏。所餘諸法，繁不具指。
寅二現行	四行跡法、四法跡法、奢摩他法、毗鉢舍那法、	
寅三睡眠	增上戒法、增上心法、增上慧法、	
寅四相屬 ^一	解脫法、勝處法、遍處法。	
卯一徵	如是等法無量無邊，應當思擇。	
卯二釋 ^二	云何現行？謂諸煩惱纏。	
辰一自身六處攝	云何睡眠？謂諸煩惱隨眠。	
辰二能引所引攝	云何相屬？	
辰三能取所取攝	謂內六處於一身中，當知展轉互相繫屬。	謂內六處至互相繫屬者：由內六處一有情身為所依止，是故當知展轉互相繫屬。
寅五攝	又若此法能引彼法，當知此彼互相繫屬。	又若此法能引彼法等者：如緣起支，此有故彼有，此生故彼生，是名此法能引彼法，由是故說此彼互相繫屬。
	又諸根境，當知能取、所取互相繫屬。	
	云何攝？謂十六種攝。	謂十六種攝等者：前十種攝，所謂界攝乃至勝義攝，後六種攝，所謂總攝乃至根攝。如是攝義，總有十六。如決擇分別釋應。陵本五十四卷七夏。
	一、界攝，二、相攝，三、種類攝，四、分位攝，	
	五、不相離攝，六、時攝，七、方攝，八、一分攝，	
	九、具分攝，十、勝義攝，十一、蘊攝，十二、界攝，	
	十三、處攝，十四、緣起攝，十五、處非處攝，	
	十六、根攝。	
寅六相應	云何相應？當知此相，略有五種：	云何相應等者：當知此說同行相應，謂心心所於一所緣展轉同行故。如集論設集論三卷九夏。
	一、與他性相應，非自性，	
	二、於他性中與不相違相應，非相違，	
	三、於不相違中，軟中上品，與軟中上品自相應非餘品，	
	四、於軟中上品中同時相應，非異時，	
	五、於同時中同地相應，非異地。	
寅七說	云何說？謂四種言說：	

寅八任持	一、見言說 二、聞言說 三、覺言說 四、知言說。 云何任持 ^四 ？謂四食：	云何任持等者：由此四食 任持有情 令住不壞 故名任持。 此四食相 如次擇分別釋應知陵本五十七卷 ^五 二十三頁。
寅九次第	一、段食 二、觸食 三、意思食 四、識食。 云何次第？謂六種次第：	六種次第等者：謂緣起支前為後緣 是名流轉次第。工巧智為先 隨彼勤劬為建立 工巧業處眾員為和合故 工巧業處辦；如是等 是名成所作次第。攝釋分 ^六 說：釋經次第略有三種：一者、圓滿次第 二者、解釋次第 三者、能成次第陵本八十一卷十五頁，是名宣說次第。有尋有伺地說：自種子為先 除種子依 所餘若有色、若無色依 及業為建立。助伴、所緣為和合故，隨其所應，欲繫、色繫、無色繫、及不繫、諸法生陵本五卷八頁，是名生起次第。六種現觀 是名現觀次第。九次第定 是名等至次第。
子四第四攝 ^一	復次 毘陀南曰：	謂八種所作等者：此中前四所作 謂修瑜伽者瑜伽所作 如聲聞地釋相應知陵本二十八卷十三頁。
丑一標	所作及所緣 亦瑜伽止觀 作意與教授 德菩提聖教	謂四種所緣等者：此如聲聞地廣辯應知陵本二十六卷十三頁。
丑二列 ^十	云何所作？謂八種所作。	
寅一所作	一、滅依止 二、轉依止 三、遍知所緣 四、喜樂所緣 五、得果 六、離欲 七、轉根 八、引發神通。	
寅一所緣	云何所緣？謂四種所緣：	
	一、遍滿所緣 二、淨行所緣 三、善巧所緣 四、淨煩惱所緣。	
寅三瑜伽 ^三	云何瑜伽：	
卯一徵	謂或四種或九種。	
卯二標		
卯三釋 ^二	四種瑜伽者：	
辰一四種	一、信 二、欲 三、精進 四、方便。	
辰九種	九種瑜伽者：	四種瑜伽等者：如聲聞地 一 釋其差別應知陵本二十八卷九頁。
	一、世間道 二、出世道 三、方便道 四、無間道 五、解脫道 六、勝進道 七、軟品道 八、中品道 九、上品道。	

寅四止	云何止？謂九種住心。	
寅五觀 ^三	云何觀？	
卯一徵	謂或三事觀 或四行觀 或六事差別所緣觀。	謂或三事觀等者：初 即二門毗鉢舍那。次 即四種毗鉢舍那。
卯二標		後 即六事差別所緣毗鉢舍那。如聲聞地別釋應知陵本三十卷十一頁。
卯三釋 ^三		
辰一三事觀	三事觀者：一、有相觀 二、尋求觀 三、伺察觀。	
辰二四行觀	四行觀者：	
	謂於諸法中，簡擇行觀、極簡擇行觀、	
	遍尋思行觀、遍伺察行觀。	
辰三六事差別所緣觀	六事差別所緣觀者：	
	一、義所緣觀 二、事所緣觀 三、相所緣觀	
	四、品所緣觀 五、時所緣觀 六、道理所緣觀。	
寅六作意	云何作意？謂七種作意：了相等，如前說。	
寅七教授	云何教授？謂五種教授：	謂五種教授等者：如聲聞地別釋應知陵本二十七卷二十一頁。
	一、教教授 二、證教授 三、次第教授	
	四、無倒教授 五、神變教授。	
寅八德	云何德？謂無量解脫等，如句中已說。	
寅九菩提	云何菩提？謂三種菩提：	
	一、聲聞菩提 二、獨覺菩提 三、阿耨多羅三藐三菩提。	
寅十聖教	云何聖教？	
	謂授以歸依、制立學處、施設說聽、建立師徒、	謂授以歸依等者：此中歸依 如決擇分釋陵本六十四卷一頁。
	施論、戒論、生天之論、訶欲愛味、示欲過失、	制立學處 如聲聞地釋陵本二十八卷一頁。施設說聽 如攝
	顯說雜染及清淨法、教導出離及與遠離、稱讚功德、	釋分釋陵本八十一卷十七頁。施論戒論生天之論乃至稱讚功
	乃至廣說無量無邊清淨品法。	德 當知此為善說正法者初時所作無倒言論 於諸欲中，能廣
王三攝聖教義相 ^一		開示過患出離清淨品故。義如聲聞地說陵本二十五卷四頁。
癸一徵起	云何攝聖教義相？	無量無邊清淨品法 當知此說諸出世道相應言論。
癸二釋 ^十		

子一能修習法	此中有能修習法。	有能修習法等者：謂能勤修諸善方便，是名能修習法。方便有二：一、殷重，二、無間。如次名為專志所作、相續所作應知。
子二所修習法	謂於諸善法專志所作、相續所作、方便勤修。	有所修習法等者：此中善法，通世出世應知。
子三有過患法	有所修習法，謂所有諸善法。	謂應遍知法者：此說苦諦所攝諸法應知。
子四有染汙法	有有過患法，謂應遍知法。	謂應不著制伏初應斷法者：此說集諦所攝諸法應知。應正思擇厭壞對治，名應不著。應正修習，伏斷對治，名應制伏。
子五障礙法	有有染汙法，謂應不著、制伏、初應斷法。	謂違逆現觀究竟法者：此說薩迦耶見，及彼相應諸法應知。
子六隨順法	有障礙法，謂違逆現觀究竟法。	謂隨順現觀究竟法者：此說道諦所攝諸法應知。
子七真如所攝法	有隨順法，謂隨順現觀究竟法。	謂應覺悟法者：此說滅諦所攝諸法應知。
子八勝德所攝法	有真如所攝法，謂應覺悟法。	謂應習應斷等者：世間善法，說名應習，世間染法，說名應斷。若阿羅漢諸漏已盡，彼相續中所有世間善法，名斷已現行法。
子九隨順世間法	有勝德所攝法，謂所應引發法。	謂究竟自義所應證法者：諸漏永盡，心善解脫，是名究竟自義。無學正見、正思惟，乃至無學正解脫、正智，是名所應證法。
子十得究竟法	有隨順世間法，謂應習、應斷、及斷已現行法。	
王四佛教所應知處相 ^一	有得究竟法，謂究竟自義所應證法。	
癸一徵	云何佛教所應知處相？	
癸二釋 ^十		
子一一種 ^三		
丑一標列	當知此中，一切有情住有三種。	
丑二配釋	謂日別住、盡壽住、善法可愛生展轉住。	謂日別住等者：有情自體，於日日中，由四食力任持不壞，名日別住。由命根力，於彼彼處所生自體任持相續，乃至壽盡以為邊際，名盡壽住。由修善法感可愛生，依可愛生復修善法，如是展轉因果相續，是名善法可愛生展轉住。
丑三料簡	初、由食增上力 第二、由命行增上力 第三、由於諸善法不放逸增上力。	
子二種 ^{十一}	於諸不善無記法中，亦有相似不放逸法。 如於殺生等事，及威儀工巧等中審諦而作。 然於善法不放逸者，於現法中乃至能得般涅槃故， 於後法中住善趣故，多有所作。	

丑一攝諸戲論	復次，依有情世間及器世間，有二種法，能攝一切諸戲論事。	依有情世間及器世間等者：一切有為，或異不異及二俱非有相可得，於此若問、若答、若思，是名戲論。諸有為法，是所戲論，名戲論事。決擇分說：無為諸法，非所戲論，唯有為滅之所顯故。陵本六十五卷十五頁。翻彼，應知有為名戲論事。有情世間，諸行所攝心心所法，名能取法，有色諸根，名所依法。一切所緣，名所取法。若器世間，諸行所攝唯為所緣，是所取法。由是故說依二世間，有能取法，及彼所依、所取之法，能攝一切諸戲論事。
丑二雜染根本 ^二		略有二種雜染根本等者：此中二種，謂無明、愛。謂於真實，無正解行，是即無明。及彼為先，希求無義，是即為愛。
寅一世間攝	又諸世間，略有二種雜染根本，能引無義無利雜染。	略有二種眾苦根本等者：此中二種，所謂有愛及無有愛，如次應知。
寅二外道攝	謂於真實無正解行，及彼為先希求無義。	
丑三眾苦根本	又正法外，若諸沙門、若婆羅門，略有二種雜染根本。	
	謂薩迦耶見增上力故，推求我常，推求我斷。	
丑四教授教誡相違順法 ^二	又諸有情，略有二種眾苦根本：	
寅一舉相違	謂於有漏法喜愛俱行所有期願，	
寅二例相順	及非理所引厭離俱行所有期願。	
丑五違順正行 ^二	又有二種師及弟子教授教誡相違之法：	
寅一舉違越	謂諸弟子不能堪忍教誨語言，及師倒見，習行邪行。	又有二法甚能違越世出世間正行境界等者：此中二法，謂生後法罪業，及生現法罪業，如次應釋。由此二法，違越世間增上生道及出世間決定勝道，是名違越世出世間正行境界。
	與此相違，當知即是白品一法。	
寅二例隨順	又有二法，甚能違越世出世間正行境界。	
丑六無倒建立	謂於自非法增上所生不可愛果無有顧慮，	
	於所作罪無有羞恥，	
	及於現法他所殺縛衰退等事無有顧慮，	
	於所作罪無有羞恥。	
	與此相違，當知即是白品一法。	
	又有二種無倒建立，能令行者少用功力，住於梵行終不唐捐。	又有二種無倒建立等者：此中正立學處，謂增上戒學。正立出離，謂發露悔法。
	一、正立學處。若有違越便獲大罪，若不違越便生大福。	
	二、正立出離。令違越者，速復出離。	
丑七得自他利	又有二法，能令作者得自他利。	

丑八令入現觀或諸根熟	<p>一、居遠離者 心常安定現法樂住，</p> <p>一一、居慣鬧者 有來求法 時時為說 能令正法相續久住。</p> <p>又有二法 能令有情內正作意、外聞他音 二因緣故 於現法中人諦現觀 或令當來諸根成熟。</p> <p>一、於因所生法 正通達因。</p> <p>一一、於如來所說所有甚深相似甚深空相應經 一切緣性及諸緣起 隨順作意數數思惟。</p>	<p>或令當來諸根成熟者：此中諸根 謂信、精進、念、定、及慧。於當來世能入現觀 或般涅槃 是名諸根成熟。</p> <p>於因所生法正通達因者：有尋有伺地說：於因無知云何？謂起不如理分別、或計無因、或計自在、世、性、士夫、中間、等、不平等因 所有無知。如是於因無知 於從因所生諸行亦顯陵本九卷十七頁。彼說無知 此說通達 翻彼應釋。</p> <p>甚深相似甚深空相應經等者：空無我性 非定有無 故名甚深。經中依此說勝義空、內空、外空等眾多差別 是名甚深空相應經。又緣起支雖離有情、作者、受者 然似^七不離顯現而說。故世尊說：緣起甚深 如有尋有伺地說陵本十卷十六頁，由是說言相似甚深。因緣、等無間緣、所緣緣、增上緣 是名一切緣性。十二有支 名諸緣起。</p>
丑九令證通慧	<p>又有二法 能令根熟補特伽羅 速證通慧：</p> <p>一、於教授教誡 遠離詬誶，</p> <p>一一、厭離為先 身語意行離諸調戲。</p>	<p>一於教授教誡遠離詬誶等者：謂修正見、正思惟、正糧進故名於教授教誡遠離詬誶，及修正語、正業、正命故名 是名厭離為先 身語意行離諸調戲。總略而言 初修慧攝 後修戒攝 由是故說二法能令速證通慧。</p>
丑十令梵行者共住安樂	<p>又有二法 令居一處同梵行者 展轉皆得安樂而住：</p> <p>一者、堪忍他所逼惱，二者、自不逼惱於他。</p>	
丑十一令梵行者互無違諍	<p>又有二法 令居一處同梵行者 未生違諍 遮令不生，</p> <p>其已生者 速令止息。無鬪、無訟、無諍、無競。</p> <p>一者、展轉互起慈心。</p> <p>二者、平等受用財法。</p>	
丑十二令得定地清淨梵行	<p>又有二法 速令心住 得三摩地清淨梵行：</p> <p>一者、憶持久遠所作所說增上力故 若有所犯 如法悔除，若無所犯 便生歡喜，晝夜隨學嘗無懈怠。</p> <p>二者、於身語意一切事業能正了知增上力故 於諸過失終無違犯。</p>	<p>又有二法速令心住得三摩地清淨梵行等者：此中二法 謂念及慧。由念力故 速令心住。由慧力故 得三摩地清淨梵行。</p>

丑十二能越眾苦	<p>由此因緣 亦無憂悔 隨生歡喜 廣說乃至解脫知見。</p> <p>又有二法 能越眾苦。</p> <p>謂能超越諸惡趣苦 及能超越生死大苦。</p> <p>一者、深見現法當來諸過患故 遠離惡行，</p> <p>二者、心常安定精勤修習菩提分法。</p>	<p>由此因緣至解脫知見者：依初因緣 說無憂悔 隨生歡喜 由是速令心住。依此因緣 得四法跡 是名清淨梵行。四法跡者：謂無貪、無瞋、正念、正定。由無貪、無瞋 能持尸羅蘊法義。正念 能持三摩地蘊法義。正定 能持慧蘊、解脫蘊、解脫知見蘊法義。如顯揚論說顯揚二卷十八頁。今於此中略不具說 唯舉最後解脫知見 故於中間置乃至言。</p> <p>又有二法能越眾苦等者：此中二法 謂世間道、出世間道 如次配釋應知。</p>
丑十四令修斷等得安樂住	<p>又有二法 能令修斷居遠離者得安樂住：</p> <p>一者、於諸境界不生雜染 無惡尋伺擾亂其心，</p> <p>二者、凡所瞰食要為利益稱量消化 能隨順斷令身調適。</p>	<p>又有二法能令修斷居遠離者得安樂住等者：此中二法 謂修根律儀 及於食知量 如次配釋應知。</p>
丑十五令修善品時無虛度	<p>又有二法 令修善品諸苾芻等時無虛度：</p> <p>一者、於諸根境正勤方便研究法相，</p> <p>二者、知時知量少習睡眠。</p>	<p>又有二法令修善品諸苾芻等時無虛度等者：此中二法：所謂經行及與宴坐 如次配釋應知。於初夜後夜常勤修習恬靜瑜伽 為除昏沉睡眠障故 說此二法 令修善品諸苾芻等時無虛度。</p>
丑十六成壞增上心學慧學 ^一 寅一舉能壞	<p>又有二法 能壞增上心學慧學。</p> <p>一者、建立邪學、違越正學、及懷猶豫，</p> <p>二者、增益損減邪見決定。</p>	<p>又有二法能壞增上心學慧學等者：此中二法 謂疑、邪見 如文可知。</p>
寅二例能成	<p>與此相違 當知即是白品二法。</p>	
丑十七令成熟者速入現觀	<p>又有二法 能令已集菩提資糧 未入現觀補特伽羅速入現觀：</p> <p>一者、思惟現在過去自他衰盛，</p> <p>二者、勤修諦行所攝無倒作意。</p>	<p>又有二法至無倒作意者：此中二法 謂厭及欣 如次配釋應知。謂自衰損 及他衰損 現在會遇 正現前時 如理作意數思惟故 成可厭處。若自興盛 及他興盛 過去盡滅 離變壞時 如理作意數思惟故 成可厭處。如聲聞地說陵本三十一卷十八頁，是名思惟現在、過去自他衰盛。</p>
丑十八令速圓滿離垢梵行	<p>又有二法 令觀行者最極究竟離垢梵行速得圓滿：</p> <p>一者、修諦現觀，</p>	<p>又有二法至離諸障難者：此中二法 謂慧解脫 及心解脫 如次配釋應知。聲聞地說：阿羅漢果 至極究竟畢竟無垢 畢竟</p>

丑十九令速引發一切勝德	一者、於後離欲方便勤修、於諸等至無有愛味、離諸障礙。 又有二法、令觀行者速能引發世出世間一切勝德： 一者、九相住心、 二者、由六種事以正定心思擇諸法。如聲聞地當廣分別。	證得梵行邊際、乃至廣說（陵本三十四卷二十五頁）。此中最極究竟離垢梵行速得圓滿、如彼應知。
丑二十諸觀行者清淨差別	又觀行者、有二種淨。謂作意淨、及所依淨。 於三世中遠離愚癡智清淨故、名作意淨、 遠離三界諸煩惱品麤重法故、名所依淨。	又有二法至當廣分別者：此中二法、謂奢摩他、毗鉢舍那、如次配釋應知。聲聞地中廣釋其相（陵本三十卷九頁）。
丑二十一 心解脫者因證差別	又有二法、心善解脫諸阿羅漢內自所證： 一者、於現法中苦因永盡、 二者、由此為先、當來世苦畢竟不生。	又觀行者有二種淨等者：於三世行、遠離無明、如理作意相應、名作意淨。遠離三界身心麤重、謂所依淨。 又有二法至畢竟不生者：此中二法、所謂盡智、及無生智。如次配釋應知。

〈卷十四〉

科 判	正 文	披 尋 記
<p>子三三種^一</p> <p>丑一結前正顯</p> <p>丑二別廣宣說^四</p> <p>寅一發起邪行令墮惡趣^一</p> <p>卯一略標</p> <p>卯二別釋^四</p> <p>辰一十相^一</p> <p>巳一列差別</p> <p>巳二隨難釋</p> <p>辰三門^三</p> <p>巳一列差別</p> <p>巳二配十相</p> <p>巳三隨難釋</p> <p>辰三種</p> <p>辰四二根^一</p> <p>巳一列差別</p> <p>巳二隨難釋</p> <p>寅二能令有情護不護根^一</p>	<p>本地分中聞所成地第十之二</p> <p>已說二種佛教所應知處。次說三種。</p> <p>謂依十相、三門、三種、及與三根於諸有情發起邪行能令有情墮諸惡趣。</p> <p>言十相者：謂壞生命、財物、妻妾、若壞實義、善友、讚美所為事業，若意三濁。</p> <p>謂執受他財欲為己有，欲令他遭所不愛事，誹謗真實所有惡見。</p> <p>言三門者：</p> <p>一、作業毀壞門，二、意樂毀壞門，三、方便毀壞門。</p> <p>於十相中，前之七種作業毀壞，其次二種意樂毀壞，最後一種方便毀壞，所謂惡見。</p> <p>由惡見故，羞恥、慈悲、離諸惡行，悉皆毀壞，無有羞恥、無有慈悲，廣造眾惡。</p> <p>言三種者：一、身所作，二、語所作，三、意所作。</p> <p>言三根者：</p> <p>一、為自饒益相，二、為損害他相，三、於他顛倒相。</p> <p>謂於非法而作法想，於不應作作應作想，堅執現行。</p>	<p>謂壞生命等者：謂若殺生，名壞生命。若不與取，名壞財物。若欲邪行，名壞妻妾。若虛妄語，名壞實義。若離間語，名壞善友。若麁惡語及與綺語，名壞讚美。此之七種，身語所作，名所為事業。若意所作，貪欲、瞋恚、邪見，名意三濁。下目隨釋，如次應知。</p> <p>言三根等者：當知由貪、瞋、癡三不善根，故名三根。如次配釋應知。</p>

卯二正辨相 ^一		
辰二舉不護 ^一		
巳二總標列	復有三法能令有情不護諸根： 一、於依止中邪法種子， 二、於諸境界取不正相， 三、於私隱處不正思惟。	
巳二明三法 ^一		
午一標舉	如是三種 當知即是欲貪、瞋恚及與害品 依四處所 發生三種不正尋思。	
午二別顯 ^二		
未一欲尋思	謂於自己利等四種白品法處為欲獲得 或為不失 生欲尋思。	一於依止中邪法種子等者：此中邪法 即欲、恚、害。今說彼種以為第一。由欲、恚、害於諸境界取淨妙相 或瞋恚相等 故說彼相以為第二。復於彼相不正思惟 多所修習 故說思惟以為第三。如是三種 當知通說欲貪、瞋恚 及與害品 非依次第一一別配。
未二恚尋思	於能障彼怨、中二品有情處所 生恚尋思。	依四處所發生三種不正尋思等者：世八法中，若利、若譽、若稱、若樂 名四處所。於是處所自為獲得 或為不失 生欲尋思。於是處所若他為障，即於怨、中有情生恚尋思 於親有情生害尋思。
未三害尋思 ^三		
申一標	於親友品有情處所 生害尋思。	
申二徵	所以者何？	
申三釋	若親友品 或時違犯於彼不生全斷滅欲 唯有輕微苦楚方便訓罰之欲。 與此相違 所有白品 如應當知。	
辰二例能護		
卯二廣攝種 ^三		
辰一標	略有四種內法種子，遍攝一切諸法種子。	
辰二列	一、世間種子，二、出世種子， 三、不清淨種子，四、清淨種子。	
辰三釋 ^四		
巳一世間種子	世間種子者：謂欲、色、無色界繫諸行種子。	
巳二出世種子	出世種子者：謂能證三乘及三乘果 八聖道等清淨種子。	出世種子等者：三十七菩提分法 是名八聖道等。舉後略前 故作是說 由後最後能攝前故。種子為依 能證三乘無漏有為
巳三不清淨種子	不清淨種子者：謂欲界繫諸行種子。	

巳四清淨種子 ^三		
午一標	清淨種子復有二種：	
午一列	一、世間淨，一一、出世間淨。	
午二釋	色、無色繫諸行種子，名世間淨； 能證三乘及三乘果，八聖道等所有種子，名出世淨。	及三乘果諸無為法，是故名為出世種子。
寅二從因所生有漏法因 ^一		
卯一標相	復有三種從因所生有漏法因，若於此中：	復有三種從因所生有漏法因等者，當知此謂欲愛、色愛、無色愛，名為三種從因所生有漏法因。染汙希求，名為愛故。
	不如正理修方便者，能生諸苦；	
	若能如理修方便者，於苦、於因，能知能斷。	
卯二出體	謂於欲界繫法，染汙希求，於色、無色界繫法，亦爾。	
寅四能令流轉諸煩惱趣 ^一		
卯一標	又有三種諸煩惱趣，令諸有情流轉生死。	又有三種諸煩惱趣等者，當知此謂欲求、有求、邪梵行求，名為三種諸煩惱趣。發煩惱意，而希求故。
卯二釋 ^三		
辰一初煩惱趣	謂於勝欲，發意希求，名初煩惱趣。	
辰二第二煩惱趣	於色、無色界勝自體中，發意希求，名第二煩惱趣。	
辰三第三煩惱趣	於邪解脫，發意希求，名第三煩惱趣。	
寅五欲為根本作業方便	又有三種諸有情類，欲為根本作業方便：	又有三種至勝解脫道者，當知此謂欲求、有求，及無上梵行求，名為三種諸有情類欲為根本作業方便。由諸有情一切所作，皆此三求所攝受故。
	一、為得勝欲，一一、為得勝自體，三、為證勝解脫道。	
寅六攝受自體諸行威勢 ^一		
卯一標列	又有三種諸有情類，於三界中攝受自體諸行威勢。	又有三種至諸業異熟者，當知此中，牽引威勢，謂即業有，能得威勢，謂即中有，成滿威勢，謂即受用果有。依此三種所作，故立三種攝受自體諸行威勢。三種所作者，如有尋有何地巽陵本十卷一更。
	一、牽引威勢，一一、能得威勢，三、成滿威勢。	
卯二隨釋 ^三		
辰一牽引威勢	牽引威勢者，謂能引之業。	
辰二能得威勢	能得威勢者，謂健達縛正現在前。	
辰三成滿威勢	成滿威勢者，謂住於此受淨、不淨諸業異熟。	
寅七住無明蘊生自體別 ^一		
卯一標	又有三種無明蘊，諸有情類住無明者	又有三種無明蘊等者，謂於前際無知，於後際無知，於前後際

卯二 釋	由此因緣，能生三世自體差別。	無知，是名三種無明蘊。由於三世住三無知，是故有情自體流轉不息。
寅八 未究竟聖災患差別二	謂於過去世前際等無知，能生現在自體， 於現在世前際等無知，能生未來自體， 於未來世前際等無知，即於未來能生後後當來自體。	
卯一 標應斷	又有三種未究竟聖，共諸異生生死災患。 若有於彼深厭怖者，當速斷除三種憍逸，修習現法涅槃方便：	當速斷除三種憍逸等者：七種憍中，無病憍、少年憍、長壽憍是名三種憍逸。由是三種未究竟聖，共諸異生生死災患。故有智者，為斷除彼，應觀未來無病衰退、少年衰退、壽命衰退，定當隨逐。
卯二 列差別	一、無病衰退，二、少年衰退，三、壽命衰退。	
卯三 勸應觀	其有智者，應觀未來如是三事，定當隨逐。	
寅九 繫縛有情身分差別	又有三種有情之類，貪、瞋、癡縛所依處所身分差別 能急繫縛諸有情類，閉在大苦生死牢獄。 一、能饒益，二、能損害，三者、平等三種俱離。	又有三種至平等三種俱離者：當知此說樂受、苦受及不苦不樂受，是名三種有情身分差別。決擇分說：於樂受中多生染者，是故說彼貪所隨增，於苦受中多生憎恚，是故說彼瞋所隨增，於不苦不樂受中計四顛倒，是故說彼不苦不樂受無明所隨增。由是故說身分差別，名為貪瞋癡縛所依處所。
寅十 遍攝眾苦三苦差別一		
卯一 標列	又有三處所生諸苦，遍攝有情所有眾苦。 一、合會所生苦，二、乖離所生苦，三、平等相續苦。	又有三處所生諸苦等者：此中三苦，謂即苦苦、壞苦及與行苦。如是三苦，從三受生，是名三處所生諸苦。如次配釋應知。苦苦、壞苦行相易知，名世俗苦。行目性苦相難可了，名勝義苦，由是故說唯眾賢聖覺之為苦，非諸異生。
卯二 配位	初、由損害位合和故， 第二、由饒益位變壞故， 第三、於一切位相續而轉，麤重所攝 諸行所生，唯眾賢聖覺之為苦，非諸異生。	
寅十一 障預流果心高舉法	又有三種心高舉法，違害欲求沙門果證修方便者預流果支，能障沙門令不得證。 一者、以己校量於他，謂我為勝，心生高舉， 二者、以己校量於他，謂我相似，心生高舉， 三者、以己校量於他，謂我為劣，心生高舉。	又有三種心高舉法等者：當知此說勝、等、劣慢，是名三種心高舉法。如次配釋應知。由是諸慢，於說法師及教授者，不善承事，亦復不能無倒聞思，成辦所修，是名違害預流果支。如下自說陵本十四卷九頁。能障沙門令不得證。當知此中聖道名沙門，煩惱斷名果。如聲聞地說陵本二十九卷十二頁。
寅十二 能生三世諸行種子	復有三種種子，當知能生一切諸行。	復有三種種子等者：當知此說三世種子差別：已與果故是過去

寅十二諸行言說所依處別	一、已與果 一一、未與果 三、果正現前。 又有三種諸行言說所依處。所謂去、來、今。	未與果故是未來，果正現前是現在。
寅十四能攝諸色自性差別 ^二		又有三種諸行言說所依處等者：當知此說諸有為法三世差別：自性已滅是過去，自性未受是未來，自性受用未盡是現在。由是差別為所戲論，是故名為言說依處。
卯一標列三相	又有三相，能攝一切色法自相。 謂顯、形、作用，安立眼識所取之色。 於自處所，障礙餘色行住，安立根色，若一切境界色，當知一切總有十色。及定地色。	又有三相能攝一切色法自相等者：當知此說有見有對，無見無對三種色相。青、黃、赤、白等，是名顯色。長、短、方、圓等，是名形色。取、捨 ^一 、屈、伸等，是名表色，此說作用名別義同。如是諸色，是眼所行、眼境界，眼識所行、眼識境界、眼識所緣，如五識身相應地說陵本一卷八頁，當知是名有見色相。於目所據各別處所，障礙餘色往來容受諸業，當知是名有對色相。於此安立一切所依根色及所緣境界色。此中一切，總有眼、耳、鼻、舌、身、色、聲、香、味、觸十色應知。又定地色非眼識所取非障礙餘住，是名無見無對色。當知此色唯是大威德心所緣境界，非餘。如決擇分說陵本六十五卷十頁。
卯二喻成定色	若得淨定為引變化修方便者所有諸色，當知是內化心境界，亦是未滿變化心果。	若得淨定至未滿變化心果者：離諸定障，名得淨定。能引種種諸變化色，當知唯內化心境界。如是境界從化心生，故說亦是變化心果。修方便位，心未自在，故言未滿。此舉化色喻成定色，唯是大威德心所緣，由定自在，隨其所欲，定心境界影像生故。決擇分中亦舉化色為喻，應知陵本六十五卷十頁。
寅十五煩惱隨逐諸心差別	又有三種為諸煩惱所隨逐心。 一、諸異生心 一一、未滿學心 三、已滿學心。	又有三種為諸煩惱所隨逐心等者：此中三種，初二易知，第三已滿學心，謂至最後學位喻如金剛三摩地，生正斷修道所斷一切煩惱，是故亦說為諸煩惱所隨逐心。
寅十六聽聞法者受持差別	又有三種聽聞法者。 一、於法於義不能受持， 一一、唯能領受不能任持， 三、能受能持。	又有三種聽聞法者等者：當知此說軟根、中根、利根補特伽羅，是名三種聽聞法者。如次配釋應知。
寅十七趣入無常觀行差別	又有三法，是修行者觀身、語、意無常性觀，趣入上首。 一者、入出息 二者、尋伺 三者、想思。	又有三法等者：此中三法，所謂身行、語行、意行。如次配釋應知。
寅十八應受供養尊勝差別	又有三種尊勝，應受供養。	

寅十九定及不定住因差別 ^一	一、年齒增上、二、族姓增上、三、功德增上。	
卯一標舉	又有三種住定不定因、一是定因、一不定因。	又有三種住定不定因等者：當知此說邪性緊定、正性緊定、不定緊定、名三種住定不定因。如次配釋應知。
卯二隨釋	一、惡趣定因、謂無間業。 一一、善趣涅槃定因、謂無漏有為法。 二、不定因、謂所餘法。	
寅二十令教久住學罪差別	又有三法、為令聖教得久住故、展轉學罪。 一者、現見身、語現行違犯學處， 一一、從他聞， 三、以餘相比度了知。	又有三法等者：此中三法、謂見、聞、疑。由是因緣、展轉學罪。如次配釋應知。
寅二十一為顯已德說諸不護 ^二	又諸如來自說具足三不護德。	又諸如來自說具足三不護德等者：三不護德、如建立品說應知（陵本五十卷十一頁）。如來現行身業、妙善清淨、不無清淨現行身業可須覆藏、是故不護。如身不護、如是第二語業不護、第三意業不護、應知。此如顯揚論說、顯揚四卷九頁。
卯一標	為顯外道諸師內懷眾惡、自稱一切智者、實非一切智者。	
卯二釋 ^二	又欲令彼於如來所、發起真實一切智信。	復有三種至顛倒燒惱者：當知此說貪瞋癡三燒惱法、有尋有伺地中煩惱差別有此種類故（陵本八卷七頁）。如次配釋應知。
辰一顯他惡	復有三種邪執所生大火所起有情燒惱。	
辰二令彼信	一、貪愛燒惱、二、愁憂燒惱、三、顛倒燒惱。	
寅二十二	又有三火、為化樂福邪事外火勝解有情、示無虛誑所應事火，	
邪執所生燒惱差別	雖實非火、假立火名。	
寅二十三	一者、父母、二者、妻子、三者、真實應供福田。	
示無虛誑事火差別	又有三種為諸樂欲增上生者、所說真實增上生道。	又有三種至樂世界中者：當知此說施、戒、修三福業事。如次配釋應知。
寅二十四	一者、布施、得大財富、二者、持戒、得往善趣，	
真實增上生道差別	三者、修定、遠離苦受、得生一向無有惱害樂世界中。	
寅二十五	又有三種、諸受欲者、劣中勝欲、觀待諸欲所生樂故。	又有三種至他化天所有諸欲者：當知此說三種欲生、如有尋有伺地已釋其相（陵本五卷六頁）。依彼有情、說有三欲。如次配釋應知。
觀待生樂諸欲差別	一、多用功力依緣諸欲、謂現前住所有諸欲， 二、少用功力依心諸欲、謂樂化天所有諸欲，	

<p>寅二十六 超過諸欲劣等樂別</p>	<p>二、極少功力依心諸欲 謂他化天所有諸欲。 又有三種超過諸欲劣、中、勝樂。 一、有尋伺喜 二、無尋伺喜 三、離喜之樂。</p>	<p>又有三種至離喜之樂者：當知此說三種樂生，如有尋有伺地已釋其相陵本五卷六頁。依彼有情 說有三樂。如次配釋應知。</p>
<p>寅二十七 悟人所知方便差別</p>	<p>又有三種覺悟所知 能令三乘出離眾苦。 一、從他聞音種類 一一、內正思惟種類 二、長時修習止觀種類。</p>	<p>又有三種覺悟所知等者：當知此說聞、思、修三所成事差別。如次配釋應知。</p>
<p>寅二十八 覺悟所知凡聖差別</p>	<p>又有三處覺悟所知。 一者、具縛 二、不具縛 三、全無縛。</p>	<p>又有三種覺悟所知等者：當知此約具聞、思、修三種補特伽羅為論 說有三別：一者、具縛 所謂異生，二、不具縛 謂有學聖，三、全無縛 謂無學果。</p>
<p>寅二十九所應作事次第差別</p>	<p>又有三種所應作事，修觀行者由此三事增上力故修習信等一切善法。 一者、永斷見道所斷諸煩惱已 證預流果， 二者、永斷修道所斷諸煩惱已 漸次證得一來、不還、阿羅漢果， 三者、證得阿羅漢已 現法樂住。</p>	<p>又有三種所應作事等者：此中三事，如文可知。世出世間信、勤、念、定、慧五根 是名信等一切善法。</p>
<p>寅三十於所知境能照差別</p>	<p>又由三分照了一切所知境界^九增上力故 建立三眼。 一者、肉眼 能照顯露無有障礙有見諸色， 二者、天眼 能照顯露不顯露有障無障有見諸色， 三者、慧眼 照一切種若色非色所有諸法。</p>	<p>又有三分照了一切所知境界等者：一切所知境界為所照了，種種分齊 有三差別 是名三分。由此三分，建立三眼，依彼增上能照了故。</p>
<p>寅三十一 能害煩惱怨敵差別</p>	<p>又有三法能害現行煩惱怨敵。 一者、信順善友， 二者、不與在家出家諸眾雜住， 三者、內正作意 覺悟所知真實道理。</p>	
<p>寅三十二教誡數量方便差別 卯一舉教誡</p>	<p>復有三種正教誡方便 能展轉證後後所證 及得涅槃。 一、於尸羅正教誡方便</p>	<p>復有三種正教誡方便等者：當知此說戒、定、慧三無漏學差別。如次配釋應知。</p>

卯二例數習 寅三十三 得安隱住修法差別	一一、於心住正教誠方便 二三、於覺悟所知真實道理正教誠方便。 如正教誠方便有三種，當知數習正教誠方便亦爾。 又於正教誠方便現修習時，由三種法得安隱住。 一者、空、無願、無相滅盡等至 二者、四靜慮 三者、四無量。 又略有三種心一境性，能令證得如實智見。 一、於意言中，種種差別所緣行相， 一一、意言無間，種種差別所緣行相， 三、超度意言，專注一境，無種種無差別所緣行相。	由三種法得安隱住等者，當知此說聖住、天住、梵住。如次配釋應知。
寅三十四 心一境性行相差別	又略有三種心一境性等者，當知此依修瑜伽師三種差別，說有三種心一境性，謂初修業瑜伽師、已習行瑜伽師、已度作意瑜伽師，是名三種瑜伽師。初修業瑜伽師，於諸煩惱欲淨其心，發起攝受正勤修習了相作意，即此所說初一，於意言中，種種差別所緣行相。已習行瑜伽師，除了相作意，於餘乃至加行究竟五作意中已善修習，即此所說第二，意言無間，種種差別所緣行相。已度作意瑜伽師，安住加行究竟果作意位中，即此所說第三，超度意言，專注一境，無種種無差別所緣行相。義如聲聞地設陵本二十八卷十三頁。	又略有三種心一境性等者，當知此依修瑜伽師三種差別，說有三種心一境性，謂初修業瑜伽師、已習行瑜伽師、已度作意瑜伽師，是名三種瑜伽師。初修業瑜伽師，於諸煩惱欲淨其心，發起攝受正勤修習了相作意，即此所說初一，於意言中，種種差別所緣行相。已習行瑜伽師，除了相作意，於餘乃至加行究竟五作意中已善修習，即此所說第二，意言無間，種種差別所緣行相。已度作意瑜伽師，安住加行究竟果作意位中，即此所說第三，超度意言，專注一境，無種種無差別所緣行相。義如聲聞地設陵本二十八卷十三頁。
寅三十五 令人聖教攝受差別	又有三處，能善攝受於惡邪處安計尊勝，及處中庸所化有情，引入聖教。 一、現已 ^十 所有最勝神通， 一一、於他所有染淨諸行，遮止開許， 三、宣說妙法正教正誠。	又有三處等者，當知此說三種神變，名為三處。謂神境神變、記說神變、教誡神變，是名三種神變。如次配釋應知。依此三種神變，令邪惡眾生處中信，令處中眾能生淨信，由是此說能善攝受於惡邪處安計尊勝，及處中庸所化有情，引入聖教。
寅三十六建立第一義淨差別	又有三淨，為欲斷除樂淨外道，以外事水暫除外垢，自謂已得第一清淨所起邪慢故，建立此三第一義淨。 不淨處生超越因故。	又有三淨等者，身語意淨，是名三淨。由此為因，超越不淨處生，是故建立第一義淨。不淨處生者，謂生欲界故。如顯揚釋，應知顯揚十八卷十六頁。
寅三十七建立真實牟尼差別 卯一顯所為	又有三種牟尼，為欲斷除持牟尼戒諸外道等，暫息語言，自謂已得真實寂靜所起邪執故，又為顯說無倒牟尼故，建立三種真實牟尼。	又有三種牟尼等者，此中三種，亦謂身、語、意業。一切聖者所有學無學業，名寂靜業，亦名默然業。即此所說牟尼應知。

卯 三體性	即是聖所愛戒所攝身、語 二業及無漏心。	又有三法等者：此中三法 謂即慚、愧 及與愛敬。由他誹毀 是故起愧，由自誹毀 是故起慚，由退失利 故起愛敬。說此 三法 能斷現行不正尋思。
寅二十八能斷羣愚諸法差別	即是聖所愛戒所攝身、語 二業及無漏心。	
寅二十九最勝無上智果差別		
卯 一略標列	又依道及道果，當知有三種最勝無上。	又依道及道果等者：當知此依智行果三 說有三種最勝無上。
卯 二明次第	謂無常智、苦智、無我智，樂速通等四種行跡， 一切世間出世間有學無學時解脫、不動心解脫，最勝無上。 修觀行者先得其智， 由此智故 為斷煩惱次修行跡，修行跡已 心得解脫。	智、行即道果 即道果故 無常等智能證現觀 名智最勝無上。 樂速通等四種行跡能盡諸漏 名行最勝無上。一切世間、出世間 有學、無學，時解脫、不動心解脫 名果最勝無上。此中 一切世間、出世間 謂四種現法樂住，解脫定障所得果故。有 學無學 謂四沙門果 解脫煩惱所得果故。時解脫、不動心解脫 謂住解脫補特伽羅。時解脫者 謂鈍根種姓。不動心解脫者 謂利根種姓。如聲聞地說 陵本二十六卷六頁。
寅四十斷常等愚能治差別	又有三明 當知為顯於前、後、中際 斷常一邊邪執、現法涅槃愚癡 沙門婆羅門無明性故 建立三明。	又有三明等者：愚前際故 或起常執，愚後際故 或起斷執，愚中際故 或計現法涅槃，是即無明三種差別。為治此故 建立三明。
子四四種		
丑 一結前正顯	已說三種佛教所應知處 次說四種。	
丑 二別廣宣說二十九		
寅 一念住差別		
卯 一由攝一切所知及智		
辰 一標	謂有四法 能攝一切所知及智。	謂有四法能攝一切所知及智等者：此中四法 謂四念住 如文可知。身、受、心、法為所觀境 能緣彼慧名能觀智 由此四法所觀、能觀遍攝一切法壽 故說能攝一切所知及智。
辰 一釋		
巳 一舉身念住	謂身及聞思修增上念住 以為依止 緣身境慧。	
巳 二例餘念住	如身及緣身境慧 當知受心法 及緣受心法境慧亦爾。	
卯 二由能對治執取等縛		
辰 一標列	復有差別 謂四種縛。	復有差別四種縛等者：當知此說四種顛倒 名四種縛：謂不淨

辰 配釋	<p>一、執取縛 二、領受縛 三、了別縛 四、執著縛。</p> <p>當知心於身 由執取縛所縛，</p> <p>於受 由內領受縛所縛，</p> <p>於色等境界相 由了別縛所縛，</p> <p>即於所說身等 由貪瞋等大小煩惱執著縛所縛。</p> <p>對治如是四種縛故 立四念住。</p>	<p>計淨 是執取縛，於苦計樂 是領受縛，無常計常 是了別縛，無我計我 是執著縛。由為對治四顛倒故 立四念住。此說四縛 其義亦同。於所知境 不隨所欲得如實知 是縛義故。</p>
寅 正勤差別	<p>又有四種欲勤為先 觀察過患及與對治以為依止</p> <p>能斷現行諸不善法 及斷彼繫，能得善法及能增長。</p>	<p>又有四種欲勤為先等者，當知此說四正斷。發起希願及勤精進 斷惡修善 是名欲勤為先。觀察過患 謂於惡不善法，觀察對治 謂於一切善法。能斷現行諸不善法 謂於彼已生，及斷彼繫 謂於彼未生。能得善法 謂於彼未生，及能增長 謂於彼已生。是四正斷差別應知。</p>
寅 神足差別	<p>又有四種為欲住心為得勝定修方便者 心住如意能生長門。</p> <p>一、樂出離欲，</p> <p>二、受持讀誦悔過精進，</p> <p>三、能取賢善定相之心，</p> <p>四、住空閒處 觀察諸法。</p>	<p>又有四種為欲住心等者，當知此說四三摩地：謂欲三摩地 勤三摩地 心三摩地 觀三摩地。由欲增上力所得三摩地 名欲三摩地，即此所說樂出離欲為其方便。由勤增上力所得三摩地 名勤三摩地，即此所說受持讀誦悔過精進為其方便。由心增上力所得三摩地 名心三摩地，即此所說能取賢善定相之心為其方便。由觀增上力所得三摩地 名觀三摩地，即此所說住空閒處觀察諸法為其方便。由是方便 圓滿成辦三摩地事 亦復說名成就四種神足。如意自在 有勝堪能故。</p>
寅 四定心差別	<p>又有四種心定心住。</p> <p>一、有尋有伺有喜心住，二、無尋無伺有喜心住，</p> <p>三、無尋無伺離喜心住，四、捨念清淨超度一切苦樂心住。</p>	<p>又有四種心定心住等者，當知此說四種靜慮 名為四種心定心住。如次配釋應知。</p>
寅 五所知真實差別 ^三	<p>又有四種所知真實。</p>	<p>又有四種所知真實等者，當知此說四種識法 名為四種所知真實。如次配釋應知。</p>
卯 一標真實	<p>染汙、清淨 二品別故 建立四種</p>	
卯 二明建立	<p>若能了知、善了知者 能斷見、修所斷一切煩惱。</p>	
卯 三出體性	<p>一、染汙品果真實，二、彼品因真實，</p> <p>三、清淨品果真實，四、彼品因真實。</p>	
寅 六由想為先戲論縛別	<p>又有四種想為先戲論縛。</p>	<p>又有四種想為先戲論縛等者，此中小想 謂於欲界。大想 謂</p>

寅七於慧量等能治差別	一、於小欲中想為先 戲論縛， 二、於大色中想為先 戲論縛， 三、於無量空識無邊處想為先 戲論縛， 四、於無所有處想為先 戲論縛。 又有四法 於諸有情對治慧害 不樂欲貪。 善修習時 能生大禍 能趣離欲。 一、慈 二、悲 三、喜 四、捨。	於色界。無量想 謂於空無邊處、識無邊處。無所有想 謂於無所有處。由想為先有戲論縛 想為言說因故。
寅八超過色界諸處差別	又有四法 超過色界 令成遠分。 謂空處、識處、無所有處、非想非非想處。	又有四法於諸有情對治慧害不樂欲貪等者。當知此說四無量定。慈 對治害 無損行轉故，悲 對治害 為除他苦勝樂行轉故，喜 治不樂 於他樂事隨喜行轉故，捨 治貪著俱 捨行轉故。如三摩呬多地說陵本十一卷十三頁。
寅九為斷四愛任持差別 ^一	又有四種 為令解脫速得圓滿 勤修行者聖解脫欲勝任持法。為斷四愛增上力故。 謂為衣服、飲食、臥具少有所求， 無作無亂，時無虛度 勤修方便， 心離散亂 樂斷煩惱、樂修正道。	又有四法超過色界令成遠分等者。此中四法 謂四無色。如文可知。
卯一標		又有四種至樂修正道者。當知此說聖解脫欲勝任持法 即四聖種。衣服、飲食、臥具喜足 是名前二聖種。第四聖種 謂樂斷修，由斷衣服、飲食、臥具及有非有四種愛故。此中少有所求，謂於衣服喜足，但持三衣 但持毳衣等故。無作無亂 謂於飲食喜足，常期乏食 次第乏食等故。時無虛度 勤修方便，謂於臥具喜足，住阿練若 初夜後夜常勤修習恬靜瑜伽故。餘文易知。
卯二釋		又有四種修習道果諸煩惱斷等者。此說四沙門果。如次配釋應知。
寅十修習道果煩惱斷別	又有四種修習道果諸煩惱斷。 一、見所斷煩惱斷，二、修所斷下分結上中品斷， 三、即此無餘斷，四、上分結無餘斷。	
寅十一證預流支清淨差別 ^二	復有四種 證預流支 能令行者於佛 聖教及善趣中，畢竟不動。	又有四種修習道果諸煩惱斷等者。此說四沙門果。如次配釋應知。
卯一標		復有四種證預流支等者。當知此說佛、法、僧、戒 四種證淨。前之三種依止淨信而得建立 今於此中名心清淨。第四一種依止淨戒而得建立 今於此中名色清淨，身語二業色行攝故。攝事分說。具足正見如來弟子，略由二法能正攝受證清淨性故 應知建立四種證淨陵本九十八卷 二十五頁 是故此中說如是別。
卯二釋 ^一		
辰一 心清淨 ^二		
巳一辨 ^二		
午一舉於大師所	謂於大師所 真覺所生無動心淨。	
午二例所證法等	如於大師所 當知於所證法 及為證法修正行 ^{十一} 者所亦爾。	

巳 結 辰 色清淨 卯 三配	如是三種 名心清淨。 第四一種 名色清淨，聖所愛戒所攝故。 前之三種 令於聖教無有動搖， 最後一種 令於善趣無有動搖。 又有四種證預流支。 一、於說法師及教授者 能善承事無所違犯， 二、無倒聽聞師所說法 及教授法， 三、於所聞法能正思惟 及善通達， 四、成辦所修。	
寅十二 證預流支方便差別	又有四智 攝一切智。 一、唯無漏 於諸法中能現見智， 二、一向無漏 於諸法中非現見智， 三、一向有漏 或如理所引、或不如理所引， 或非如理非不如理所引世間智， 四、通有漏、無漏他心差別智。	又有四種證預流支等者：當知此說四種正行，名為四種證預流支：謂親近善士、聽聞正法、如理作意、法隨法行，名四正行。如次配釋應知。
寅十三 攝一切智智類差別	又有四種 於轉還品真實能取智 能盡諸漏。 一、轉品果真實智 二、轉品因真實智 三、還品果真實智 四、還品因真實智。	又有四智攝一切智等者：法智、類智、世俗智、他心智 是名四智。如次配釋應知。觀下諦境法現在前各別緣故，各於諸法中能現見智。觀上諦境法不現前總合緣故，名於諸法中非現見智。
寅十四 能盡諸漏真實智別	又有四法能令信者為斷煩惱修正方便。 一、相續殷重作用精進 二、正知行念 三、奢摩他 四、毗鉢舍那。	又有四種於轉還品真實能取智等者：此說依四聖諦觀緣起智有是四別。緣起聖道經說：曾見老死 見老死集 見老死滅 見於老死趣滅行跡，如是曾見生、有、取、愛、受、觸、六處、名色、識、行 曾見行集 曾見行滅 曾見於行趣滅行跡。如文配釋其義應知。
寅十五 能斷煩惱正方便別	又有四種 能通達法 能盡上漏所依足跡。 謂為得聖道 修有漏慧，既得道已 缺諸煩惱及缺諸事， 無餘永斷諸煩惱事，如所得道轉更修習。	又有四種能通達法等者：當知此說四種居處，名為四種能通達法：謂慧居處 諦居處 捨居處 寂靜居處，是名四種居處。此中為得聖道修有漏慧，即慧居處。既得道已缺諸煩惱及缺諸事，即諦居處。無餘永斷諸煩惱事，即捨居處。如所得道轉更修習，即寂靜居處。此四居處，如顯揚經顯揚二卷十八更。
寅十六 通達法等所依差別	又有四法 展轉相應 有行、有緣 和合而轉，同一緣轉。	又有四法展轉相應等者：於五蘊中受、想、行、識 無色蘊攝依此建立，名為四法。
寅十七 展轉相應無色蘊別		

寅十八令樂聖教諸護差別	謂受、想、行、識。 又有四護 能令已入佛聖教者愛樂聖教。 一者、命護 二者、力護 三者、心煩惱護 四者、正方便護。	又有四護等者：依四所依 立四種護：所謂衣服、飲食、臥具、病緣醫藥供身什物 名四所依。於此四依 以法追求 不以非法 是名命護。為當存養 如法受用 是名力護。起惡尋思 應速除滅 是名心煩惱護。能忍眾苦 精進無懈 是名正方便護。
寅十九能得正見所依處別 ^三	又有四種 能得正見無倒義行所依處所。 由前三種 行時清淨，由後一種 住時清淨。	由前三種行時清淨等：捨、念、正知 是名三種。由捨為依 行平等位 是名於諸境界不順不違。由念為依 能防護意 不生煩惱 是名念增上力。正知為依 於色聲等不取其相、不取隨好 是名正知而行，是即由前三種行時清淨。心無染汙 專注一緣 謂善心一境性，是即由後一種住時清淨。
卯一標		
卯二配		
卯三釋 ^一		
辰一捨念正知	謂守根門者 於諸境界不順不違 為守根門 念增上力 正知 ^{十二} 而行。	
辰 心一境性	住遠離者：心無染汙 專注一緣。	
寅二十明及解脫能證行別	又由四行當知能證明及解脫。 由念、眼、慧能證於明，又由身故 能證不動及時解脫。	由念眼慧能證於明等者：宿住智通 是名為念。死生智通 是名為眼。漏盡智通 是名為慧。如其次第 能治前際、後際、中際愚故 是故說言能證於明。即三種中 所謂三明俱在無學身中起故。又諸無學住最後有 餘依未壽 是名為身。由住於此能般涅槃 而有鈍根及利根別 是故說言能證不動及時解脫。
寅 十一諸造色依止差別	復有四法 能為廣大種種差別諸所造色生起依止。 一者、堅性 二者、濕性 三者、煖性 四者、輕等動性。	復有四法至輕等動性者：此中四法：如其次第地、水、火、風 四大應知。
寅 王 任持有情攝差別	又有四法 能持已生諸有情類令得久住 及能攝益尋求有者 攝事分中當廣分別。	又有四法至當廣分別者：此說四食 應知。謂段食、觸食、意思食、識食。如是四食 能令已生有情安住。又令有情追求後有、愛樂後有 於其後有未能斷者 能攝後有、遍攝後有、隨攝後有 名能攝益尋求有者。攝事分中別顯其相 應知陵本九十四卷十七頁。
寅 王 二於生死中諸識差別 ^一		
卯一標	又有四種 於生死中 諸識流轉所依足跡。	又有四種至當知亦爾者：當知此說色、受、想、行 四種識住。如經中說：識隨色住 緣色為境 依色而住。此中三句 如次配釋：由識隨色住 故於諸色見已趣向，由緣色為境 故彼貪
卯二釋 ^二		
辰一舉於諸色	謂於諸色見已趣向 由貪愛故 取為所緣，	

辰 例於受等	所依、境界俱有建立。 如於諸色 於受、想、行當知亦爾。	愛 取為所緣。由依色而住 故有內身、外境諸麤重苦之所隨逐 是名所依境界俱有建立。如是於受、想、行 亦有二別 故言亦爾。
寅 王四有顧戀等諸義差別		
卯 一 別辨相	又諸苾芻 顧戀現法身命為依止故 而於衣服、飲食、臥具生希求愛、 顧戀後法身命為依止故 而於後有生希求愛、	顧戀後法身命為依止故等者。分別緣起初勝法門經說。謂有一類愚於現在已得自體 於六觸處為緣生受便起味著。由味著故希求當來。如是類受 此說有愛 應如是知。
卯 二 略顯義	愚於涅槃為依止故 而於無有生希求愛。 如是略有四種希求之愛。 謂衣服愛、飲食愛、臥具愛、有無有愛。	愚於涅槃為依止故等者。分別緣起初勝法門經說。若復以其苦受為緣生無有愛 厭離俱行 非理所引 厭離相應。依止此愛 不正方便 求無有時 即便發起出離惡見、定期惡見 及此一類所依惡見。此無有愛 應如是知。
寅 王五能令現行作不應作	又有四法 能令有情現行造作所不應作。 謂隨順可愛事、違逆不可愛事、怖畏彊敵其心顛倒 愚於現法及後法果。	又有四法能令有情現行造作所不應作等者。此中四法 應知即是貪、瞋、邪見、無明。如次配釋應知。
寅 王六能斷疑生記論差別		
卯 一 總標列	又有四種請問記論能斷所疑 能悟未悟 又能任持勝沃擇力。 謂於法實相應一向記 於諸有情業果異熟應分別記 於隱密說非一向問應詰問記 於不如理應當置記。 於此問中云何名記。謂記彼問 言佛世尊於斯不記。	謂於法實相應一向記等者。如有問者 問死生殊、我一異等。記有四者 謂答四問。若作是問。一切有情皆當死不。應一向記。一切有情皆定當死。是謂於法實相應一向記。若作是問。一切死者皆當生不。應分別記。有煩惱者當生 非餘。是謂於諸有情業果異熟 應分別記。若作是問。人為勝劣。應反詰記。為何所方。若言方天 應記人劣。若言方下 應記人勝。是謂於隱密說非一向問 應詰問記。若作是問。蘊與有情為一為異。應捨置記。有情無實故 一異性不成。如石女兒 白黑等性。是謂於不如理應當置記。如問死生殊、我一異等有四種記 如是於餘一切隨應當知。俱舍論中廣說其要俱舍論十九卷十七頁。
寅 王十惠捨清淨不遺差別		
卯 一 標列相	又有四種惠捨 或清淨、或不清淨。	又有四種惠捨等者。聲聞地說。謂若布施 其性無罪 為莊嚴

<p>卯 明得失</p>	<p>三種清淨：謂唯自身戒見具足，或復唯他戒見具足，或自及他戒見具足；</p> <p>一不清淨：謂自及他戒見一種俱不具足。</p> <p>其清淨者，當生善趣，資產豐饒；</p> <p>不清淨者，當生惡趣，資產無匱。</p>	<p>心、為助伴心、為資瑜伽、為得上義而修布施，是名惠捨。陵本二十五卷十四頁。今依施者、施主有二差別，隨應施設或自或他。謂若自手施，名為施者。若自物施，若欲樂施，名為施主。亦如聲聞地說。陵本二十五卷十四頁。如以他物自手行施，是則施者名自，施主名他。如以自物令他行施，是則施主名自，施者名他。如是自他惠捨，隨一清淨，或俱清淨，或俱不淨，說有四句差別，具名四種惠捨。如文可知。</p>
<p>寅 十八能攝大眾方便差別</p>	<p>又有四種攝眾方便，能正攝化一切大眾。</p> <p>一、饒益方便，二、攝受方便，</p> <p>三、引導方便，四、修治方便。</p>	<p>又有四種攝眾方便等者：當知此說布施、愛語、利行、同事，名為四種攝眾方便。如次配釋應知。菩薩地中說為隨攝方便，能攝方便、令人方便、隨轉方便。陵本三十八卷十二頁。與此義同，應準彼釋。</p>
<p>寅 十九業生有情依止差別</p>	<p>又有四種，從業所生諸有情類，於彼彼趣生依止門。</p> <p>一、由業及卵、穀、禾、卵，二、由業及胎、膜，</p> <p>三、由業及潤汗，四、唯由業。</p>	<p>又有四種從業所生諸有情類等者：諸有情生有四差別：謂卵生、胎生、濕生、化生，如次配釋應知。</p>
<p>寅 二十受生有情死緣差別</p>	<p>又彼彼處受生有情，有四種死。</p> <p>一者，由自故死，謂於戲忘意忿天中而受生者。</p> <p>一一、由他故死，</p> <p>謂於羯羅藍、頸部鬘、閉尸、鍵南、母腹中者。</p> <p>三、俱由故死，謂在欲界所餘有情。</p> <p>四、俱不由故死，謂色無色界有頂為後，所有有情。</p>	<p>又彼彼處受生有情有四種死等者：諸有情類有四種得自體差別，如前有尋有伺地^{十三}已說。陵本五卷七頁。今於此中說四種死，應準彼釋。</p>
<p>寅 二十一苦遲通等清淨道別</p>	<p>復有四種清淨道。</p> <p>一、非功用根圓滿，亦非喜樂圓滿，</p> <p>二、功用根圓滿，非喜樂圓滿，</p> <p>三、喜樂圓滿，非功用根圓滿，</p> <p>四、喜樂圓滿，亦功用根圓滿。</p>	<p>復有四清淨道等者：當知此說四種通行，名為四清淨道：一、苦遲通行，由鈍根故，說非功用根圓滿，由未得現法樂住故，說彼亦非喜樂圓滿。二、苦速通行，由利根故，說功用根圓滿，由未得現法樂住故，說非喜樂圓滿。三、樂遲通行，由已得現法樂住故，說喜樂圓滿，由鈍根故，說非功用根圓滿。四、樂速通行，由已得現法樂住及利根故，說喜樂圓滿，亦功用根圓滿。</p>
<p>寅 二十二背惡說等清淨道別 卯 一標別</p>	<p>又有四清淨道。</p> <p>一、背惡說法及毗奈耶，二、向善說法及毗奈耶，</p>	

卯二 隨釋 ^四	二、資糧道，四、清淨道。	
辰一 背惡說	此中最初 謂如有一， 於外道見及引無義苦切行中， 心不愛樂， 亦不忍可。	此中最初至亦不忍可者：此中有二差別：謂於外道見及引無義苦切行中， 如其次第， 心不愛樂， 亦不忍可， 釋前背惡說法及毗奈耶。
辰二 向善說	第二， 謂如有一於蘊、界、處、緣起、處非處等諸善巧中， 愛樂忍可， 又能堪忍寒熱等苦。	第二至又能堪忍寒熱等苦者：此中於諸善巧愛樂忍可， 及能堪忍寒熱等苦， 如其次第， 釋前向善說法及毗奈耶。
辰三 資糧道	第三， 謂淨尸羅、守根門等， 諸善資糧所攝正法。	
辰四 清淨道	第四， 謂奢摩他、毗鉢舍那斷諸煩惱， 現法樂住。	
寅二 三學增上心方便差別	又有四種學增上心方便。 謂未離欲者， 為得不還果， 或不還果， 依未至定求現法樂住， 又為令他斷諸惡法， 及往善趣， 又為自己斷諸煩惱， 得勝決擇。	又有四種學增上心方便等者：當知此說四無量行， 名四種學增上心方便。謂未離欲者修四無量， 為得不還果故。或不還果， 依未至定修四無量， 為求現法樂住故。或於有情思惟最勝利益安樂， 修四無量， 為令斷諸惡法及往善趣故。或於悲等別別對治， 修四無量， 為自斷諸煩惱得勝決擇故。
寅二 四轉還所攝業相差別 ^一		
卯一 攝攝	又有二業四相差別 謂轉所攝業差別有二， 還所攝業總立一種。	又有二業四相差別等者：當知此說四業， 名有二業四相差別。如次配釋應知。謂黑黑異熟業、白白異熟業、黑白黑白異熟業、非黑非白無異熟業， 能盡諸業， 是謂四業。轉所攝業， 是名前三， 還所攝業， 是名第四。
卯一 釋相	當知初業， 一向能感不可愛果惡趣異熟， 第二業， 一向能感可愛樂果色無色界異熟， 第三業， 能感愛非愛果欲界天人異熟， 第四業， 能斷前三業。	
寅三 十五	又有四種諸有情類增上勤務。	
諸有情類增上勤務差別	一、樂而非利益，二、利益而非樂， 三、亦樂亦利益，四、非樂非利益。	
寅二 工巧及暴流諸門差別 ^一		
卯一 舉四扼 ^一		
辰一 標列相	又有四門， 起諸煩惱， 能令有情與生等苦和合不離。	又有四門起諸煩惱等者：當知此說欲扼、有扼、見扼、無明扼，

辰 顯對治	一、染著諸欲門，二、染著色無色等至門，
卯 例暴流	三、外道諸見門，四、住此法中未得眼者無智門。 又修聖道 令此四門所生惡苦 速得離繫。
寅 二十補特伽羅開差別 ^四	如能令有情與苦和合 能令順流取後有業難可解脫， 當知亦爾。
卯 一依具不具縛等辨	復有四種補特伽羅 當知遍攝一切補特伽羅。 一者、異生，二者、未離欲有學， 三者、已離欲有學，四者、超薩迦耶見一切無學。
卯 一依戒見具不具辨	又有四種補特伽羅。 一、自住律儀 不能為他宣說正法， 二、自不住律儀 而能為他宣說正法， 三、俱能作，四、俱不能作。
卯 三依現後法有苦樂辨 ^二	
辰 一標列	又有四種補特伽羅。 一、族姓卑下，現行白法，二、族姓尊高 現行惡法， 三、族姓卑下，現行惡法，四、族姓尊高 現行白法。
辰 二料簡	此中最初 現法有苦 非於後法， 第二 後法有苦 非於現法， 第三 二世俱苦，第四 二世俱樂。
卯 四依自他苦等非福福辨	又有四種補特伽羅。 一、以苦自任不任於他 而生非福 謂受外道自苦戒者。 二、於苦任他不任於自 而生非福 謂隨有一不律儀者。 三、以苦俱任而生非福 謂諸國王、及祠祀主、馬祠祀等。 四、不以苦任於自他 而生大福 謂住靜慮者 及離諸惡補特伽羅。
寅 十八惡業過失功德差別 ^一	

四種差別 名有四門起諸煩惱。如次配釋應知。
如能令有情與苦和合等者，此即前說四扼 名有四門起諸煩惱。 當知暴流亦有四種，謂欲暴流、有暴流、見暴流、無明暴流。 由是說言當知亦爾。
復有四種補特伽羅等者，此中補特伽羅依具縛、不具縛及與無 縛為論成四句別，當知具縛 所謂異生，不具縛 謂未離欲有 學，及已離欲有學，無縛 謂超薩迦耶見一切無學。
又有四種補特伽羅等者，此中補特伽羅於戒及見隨一具足，或 俱具足，或俱不具足，如是說有四句差別，初句 唯戒具足， 第二 唯見具足，第三 二俱具足，第四 二俱不具足。
又有四種特伽羅等者，此中補特伽羅依現法後法、或苦或樂 成四句別 如文可知。
又有四種補特伽羅等者，此中補特伽羅於自他苦能生非福及於 非苦而生大福有四句別。此中第二 謂隨有一不律儀者 如屠 羊、養雞、養豬、捕鳥、捕魚、獵鹿、置兔 乃至廣說好為損 等是。如集論設集論五卷八夏。又復第二 謂諸國王及祠祀 主馬祠祀等，此說國王由於自國王都聚落不住量足，俱帥兵戈 互相征討，由是以苦俱任而生非福，又祠祀中由邪執故 種種 劬勞害諸生命，彼能祀者及諸助伴俱生非福 皆是此類。

卯一舉過失	又略有四種語失。	又略有四種語失等者：當知此說四種不善語業：謂妄語、離間語、麁惡語、綺語，如次配釋。
卯二例功德	一、不實 二、乖謬 三、毀德 四、無義。	
寅二十九聖及非聖語差別 ^一	與此相違 當知即是四種語德。	
卯一舉非聖 ^一		
辰一標	又略有四種非聖妄語。	又略有四種非聖妄語等者：當知此說四非聖言：謂不見言見、見言不見非聖言、不聞言聞、聞言不聞非聖言、不覺言覺、覺言不覺非聖言、不知言知、知言不知非聖言。如前意地中說 陵本三卷十二頁。此顛倒說 準彼應釋。
辰一釋 ^二		
巳一舉見不見	謂於見不見 顛倒而說。	
巳二例聞不聞等	於聞不聞、於覺不覺、於知不知 當知亦爾。	
卯二例賢聖	與此相違 當知即是賢聖諦語。	與此相違當知即是賢聖諦語者：此說四種聖言應知。如前意地已列其相 陵本三卷十二頁。
子五五種 ^一		
丑一結前正顯	已說四種佛教所應知處。次說五種。	
丑二別廣宣說 ^十		
寅一雜染清淨行聚差別 ^一		
卯一於有取蘊	謂有五種諸欲貪品麁重隨逐，流轉雜染所攝行聚。	謂有五種諸欲貪品麁重隨逐等者：此說色、受、想、行、識五有取蘊 如次配釋應知。由為諸欲貪品麁重隨逐 故名有取。由有取故，名為流轉雜染所攝行聚。由積聚義 是蘊義故。如決擇分撰 陵本五十六卷六頁。
	一、所依所緣自性行聚，二、能領納自性行聚，	
	三、能分別言說分位 取諸法相自性行聚，	
	四、能作用自性行聚 五、能了別自性行聚。	
卯二例無取蘊	此五相違 當知即是離欲貪品麁重還滅清淨所攝自性行聚。	此五相違等者：當知此說五無取蘊。由離欲貪麁重 故名無取。由無取故 名為還滅 清淨所攝自性行聚。
寅二受用欲者所愛境界 ^一		
卯一標列五欲	又有五種受用欲者所愛境界，諸樂欲者常所追求、常所受用，	又有五種受用欲者所愛境界者：此中五種 如下自釋色、聲、香、味、及觸應知。受用欲者 如下自釋諸樂欲者常所追求、常所受用應知。所愛境界 如下四種愛樂應知。
	諸苦欲者 恆正觀察 謂色、聲、香、味、觸。	
卯二配釋四愛 ^一		
辰一標	當知此中依所追求、所尋思、所染著事，有四種愛樂。	
辰二配	謂未來所愛樂事，即所追求，過去所愛樂事，即所尋思，現在所愛樂事，即所染著。	

寅二愛非愛業異熟差別	此復二種：一、所愛樂事；一一、從彼所生所愛樂受。
寅四失利養等因行差別	又有五種有情所得受愛非愛業果異熟自體。 謂天、人、那落迦、傍生、鬼趣。
寅五毀戒聞等諸法差別	又有五種失利養因行，亦是背涅槃因行。 謂若於是處受用利養，若從彼得，若所得物 若所為得，若如是得，於此諸處心生吝惜。
卯一標	又有五法，令修行者先毀淨戒、多聞，後虧止觀善軌。
卯二釋	謂於諸欲中，心生愛染， 於能覺發憶念教授教誡者所心生瞋恚，未受尸羅令其不受， 雖先受得後令棄捨，或使穿穴。
辰一毀淨戒	耽著惛睡，恆不寂靜，染汙追悔，常懷疑惑， 於所聞法不能領受， 雖初領受，尋即忘失，雖不忘失，不證決定。
辰二毀多聞	
寅六二種下分諸結差別	又有二種下分。謂見道是修道下分，欲界是色無色界下分。
卯一明下分	約此二種下分，說五下分結。
卯二顯諸結	依初下分，說薩迦耶見、戒禁取、疑，
辰一標	又有五種有情至傍生鬼趣者：此說五趣受用自體差別。謂天、 人受用可愛業果異熟自體，那落迦、傍生、鬼趣受用非愛業果 異熟自體，應知。
辰二辨	又有五種失利養因行等者：成實論中雜煩惱品說有五慳：謂住 處慳、家慳、施慳、稱讚慳、法慳。此中五種，如次應知。彼 云住處慳者：獨我住此，不用餘人，即此所說若於是處受用利 養。彼云家慳者：獨我出入此家，不用餘人，設有餘人，我於 中勝，即此所說若從彼得。彼云施慳者：我於此中獨得布施， 勿與餘人，設有餘人，勿令過我，即此所說若所得物。彼云稱 讚慳者：獨稱讚我，勿稱讚餘人，設讚餘人，亦勿令勝我，即 此所說若所為得。彼云法慳者：獨我知十二部經義，又知深義， 密而不說，即此所說若如是得。彼論又云：此人墮餓鬼等諸惡 處生，是故此說失利養因行。又云：此人於解脫中終無有分， 所以者何？是人於共有法尚不能捨，何況能捨自五陰耶？是故 此說亦是背涅槃因行。

辰 明過患 ^一		
巳 一 標	由此五種惡邪行故 能感後世還來此中三種 ^{十四} 等流過患、一種現法等流過患、一種後法異熟過患。	他發起種種憂苦、不可愛事、恆現在前、是名第三等流過患。第四邪行能感一種現法等流過患、謂臨命終時、多生憂悔。由第五邪行能感一種後法異熟過患、謂命終已後、顛墜惡趣。
巳 一 釋	謂此生中多諸怨敵、親友乖離、由他發起種種憂苦、不可愛事恆現在前、臨命終時多生憂悔、命終已後、顛墜惡趣。	
卯 二 例正行	與此相違 能堪忍者 於他怨敵發起五種正行。由此所感勝利差別 如應當知。	
寅十一 能生憂苦喜樂差別 ^一		
卯 一 舉生憂苦 ^一		
辰 一 總標	又有五法 能生現法、後法一切憂苦。	又有五法能生現法後法一切憂苦等者：當知此說五種衰損：謂眷屬衰損、財寶衰損、無病衰損 ^{十五} 、淨戒衰損、正見衰損。如次配釋應知。
辰 二 列配 ^一		
巳 一 現法	一、親屬滅亡；二、所有財寶非理喪失；三、疾病緣身。此二能生現法憂苦。	
巳 二 後法	四、毀犯尸羅；五、毀謗一切諸惡邪見。此二能生後法憂苦。	
卯 二 例生喜樂	與此相違五法 當知能生現法、後法所有喜樂。	
寅十二 無學超度邪惡行別	又阿羅漢 雖現追求供身財物 亦常受用而能超度三邪追求、二邪受用。謂能超過殺生、偷盜、妄語 所引三邪追求、亦能超過婬妄、畜積二邪受用。	
寅十三 修諸善等斷支差別	又修斷者成就五法 隨其所欲 於諸善品方便修行 亦能速證究竟通慧。 一者、於所修斷猛利樂欲 如教奉行； 二者、於目所有如實發露； 三者、身力康彊； 四者、相續無間修方便中、其心勇銳；	又修斷者成就五法等者：此中善品 謂定地攝心心所法。於衰損事或興盛事深心厭患、喜樂於斷 修不放逸、名於修斷猛利樂欲。如普通達修瑜伽師之所教誨 取五種相極善作焉 如理受持 是名於所修斷如教奉行。義如聲聞地說陵本三十二卷一更。於自所受 若有毀犯、至誠發露 如法悔除 是名於自所有 如實發露。知量而食 身無沈重 有所堪任 堪任修斷 是名身力康強。於佛聽許怙惡瑜伽 發生樂欲精進勤劬 超越

<div>寅十四解脫所治取相差別^一</div> <div>卯一舉所對治^一</div> <div>辰一標舉</div> <div>辰一隨釋^二</div> <div>巳一圓滿解脫所對治法^一</div> <div>午一標</div> <div>午一釋^二</div> <div>未一二種愚</div> <div>未二三顛倒</div> <div>巳一厭離所對治法</div> <div>卯二取能治相</div> <div>寅十五心解脫門定智修別^一</div> <div>卯一標</div> <div>卯二釋^二</div> <div>辰一定勝行</div> <div>辰二智勝行</div> <div>寅十六觀行意樂及方便別^一</div> <div>卯一標</div> <div>卯二釋^二</div>	<p>五者、成就通達止、舉、捨相時分智慧。</p> <p>又有五種 能圓滿解脫 厭離所對治法。</p> <p>謂於諸法中，有三種愚以為依止，起三顛倒。</p> <p>三種愚者：一、時節愚，二、分位愚，三、自性愚。</p> <p>三顛倒者：</p> <p>一、於無常計常顛倒</p> <p>二者、於苦計樂顛倒</p> <p>三、於無我計我顛倒。</p> <p>及規求利養、希望壽命。</p> <p>為治如是五所治法，起五取相。</p> <p>謂於諸行取無常相，亦取苦相，於諸法中，取無我相，於飲食中，取惡逆相，於其命根，取中天相。</p> <p>又有五種修定、修智二勝行者，證心^{十六}解脫生長之門。</p> <p>定勝行者 因聞依諦聖言論故，正解法義。</p> <p>如因聽聞 因廣大音讀誦經典，因為他人開闡妙義</p> <p>在空間處審諦思惟，正解法義，當知亦爾。</p> <p>智勝行者 於上品亂貪欲對治，無倒思惟。</p> <p>又有五種修觀行者，意樂方便，悉皆具足。</p>	<p>勇猛勢力發起、勇悍、剛決、不可制伏、策勵其心無間相續，是名相續無間修方便中，其心勇銳。於時時間思惟止、舉、捨相而非一向，是名成就通達止舉捨相時分智慧。</p> <p>又有五種能圓滿解脫厭離所對治法等者：此中五法，即下自釋起五取相，於五所對治法，能圓滿解脫厭離故。云何五所治法？謂三顛倒，及規求利養、希望壽命。初一顛倒，由於諸行取無常相能為對治，第二顛倒，由於諸行亦取苦相能為對治，第三顛倒，由於諸法取無我相能為對治。規求利養，由於飲食取惡逆相能為對治，希望壽命，由於命根取中天相能為對治。又三顛倒依三愚起：於前際等諸行無知，名時節愚，故起常倒，於苦樂等受無知，名分位愚，故起樂倒，於諸法體相無知，名自性愚，故起我倒。</p> <p>又有五種乃至無倒思惟者：定勝行中有其四種：因聞依諦聖言論故，正解法義，是為第一；因廣大音讀誦經典，正解法義，是為第二；因為他人開闡妙義正解法義，是為第三；在空間處審諦思惟正解法義，是為第四；智勝行者，於上品亂貪欲對治，無倒思惟，是為第五。此中貪欲顛倒體攝，故名為亂。猛利尤重相所攝故，名為上品。如有尋有何地設，陵本八卷五言。</p> <p>又有五種至名方便具足者：此中意樂具足有三差別：一、於涅槃起猛利信解，二、於菩提起猛利信解。方便具足有三差別：</p>
--	--	---

辰一辨差別 ^一		
巳一意樂具足	謂於涅槃、菩提起猛利信解，名意樂具足。	一、無間殷重修習正知而行，謂密護根門。如聲聞地釋（陵本二十三卷一頁）。一、奢摩他。二、毗鉢舍那。如是名為五種修觀行者意樂方便悉皆具足。
巳二方便具足	無間殷重修習正知 ^{十七} 而行，奢摩他，毗鉢舍那，名方便具足。	
辰二明勝利	^{十八} 又由成就如前所說意樂方便，悉皆具足不退轉故，令觀行者，堪能速證聖諦現觀，亦善安住諸勝善品。	又由成就至諸勝善品者，此釋前說五種具足所獲勝利，非更別顯五種佛教所應知處，以於文中不說五種言故。原文不次，今移正之。
寅十七領受身心諸受相別	又有五法，令諸有情受愛非愛業果異熟，煩惱身心，具攝眾苦。謂苦、樂、憂、喜、捨。	又有五法等者，此說五有漏受應知。
寅十八不還聖者生相差別	又有五種離欲界欲未盡餘結，學生差別。 一、住中有，便能究竟得涅槃。 二、於初靜慮，初受生已，得般涅槃。 三、受生已後，少用功力，聖道現前，得般涅槃。 四、多用功力，聖道現前，得般涅槃。 五、或色界邊際乃至色究竟，得般涅槃， 或無色界邊際乃至有頂，方能究竟得般涅槃。	又有五種離欲界欲等者，此說五不還果生相差別。由彼已斷五下分結，是故說言離欲界欲。未斷五上分結，是故說言未盡餘結。有學位攝，是故名學生。上二界未證無生，說之為生。何等為五：謂中般涅槃、生般涅槃、無行般涅槃、有行般涅槃、上流般涅槃。如聲聞地釋（陵本二十六卷五頁）。如文次第，配釋應知。
寅十九雜修不還生地差別	又有五種雜修第四靜慮果得不還者，生地差別。 一、下品靜慮果生地。二、中品靜慮果生地。 三、上品靜慮果生地。四、上勝品靜慮果生地。 五、上極品靜慮果生地。	又有五種雜修第四靜慮果等者，當知此說五淨宮地：謂無煩、無熱、善現、善見及色究竟。謂不還果，由軟、中、上、上勝、上極品雜修第四靜慮力故，生此五淨宮地。如次配釋應知。
寅二十定斷煩惱觀察差別 ^二		
卯一標	又有五種修觀行者觀察作意，能令三界煩惱永斷，究竟決定。	又有五種修觀行者觀察作意等者，當知此說五種順出離界，謂出離欲、悲、害、及色無色思惟。欲、悲、害相，及出離相，如文易知。色無色相略有二種：謂等至相，及與生相。彼出離相，即涅槃相，應知。
卯二釋 ^二		
辰一舉欲離欲相	謂雖深厚憶念分別思惟欲相，於諸欲中仍不趣入。 任運捨心，於離欲相率爾思惟，便能任運其心趣入。	
辰二例悲無悲等	如於欲離欲相，如是於悲、無悲相，害、無害相，色等至生相、無色等至生相，及涅槃相，當知亦爾。	

<p>子六六種^一</p> <p>丑一結前正顯</p> <p>丑二別廣宣說^{十三}</p> <p>寅一宣說有情六相事別^二</p> <p>卯一標說</p> <p>卯二列事</p> <p>卯三辨觀^一</p> <p>辰一未純熟</p> <p>辰二已純熟</p> <p>寅二於諸實學輕懷等別^一</p> <p>卯一舉輕懷^二</p> <p>辰一標過</p> <p>辰二列法</p> <p>辰三釋由</p> <p>卯二例相違</p> <p>寅三煩惱所依色等境別^一</p>	<p>已說五種佛教所應知處。次說六種。</p> <p>謂依六相 宣說八種有情事差別。</p> <p>為令墮在我及有情、命者見等眾生 趣入無我故。</p> <p>謂我所依事差別、境界事差別、自性事差別、受用因事差別、受用事差別、隨說事差別、作用事差別、希望事差別。</p> <p>於如是等事差別中、未盡純熟修觀行者 便謂有我。</p> <p>依眼等根、於色等境、由觸及受種種受用、有如是名、如是種、如是姓、如是食等於自於他隨起言說、造作一切法非法行、於可愛事、希望和合、久住增益於非愛事、希望不合、不住損減。</p> <p>若於如是事差別中、已盡純熟修觀行者 爾時妄計皆不得生。</p> <p>又於實學^{十九} 有六輕懷 能令善法或未得退 或已得退 捨佛聖教 乃至微信亦皆退失。</p> <p>謂於佛法僧寶、增上戒學、增上心學、增上慧學。</p> <p>由惡友故 於增上心壽 令得邪僻教誡、教授、由惡語故 全無所得。</p> <p>彼由邪僻及無所得故 退失一切所有善法。</p> <p>與此相違 當知即是白品六法。</p>	<p>謂我所依事差別等者、此釋前說八種有情事差別。於一一中各有六相、謂六根、六境、六識、六觸、六受、六想、六思、六愛 如其次第應知。此中六觸乃至六愛 謂眼所生乃至意所生 從所依根 差別成六。餘三易知。</p> <p>有如是名如是種等者、此中略有八言說句、謂如是名、如是生類、如是種姓、如是飲食、如是領受苦樂差別、如是長壽、如是久住、如是所有壽量邊際。如菩薩地說陵本四十九卷二十頁。此中名 謂呼召假名。種 謂剎帝利等色類差別。姓 謂父母差別。食 謂飲食方軌。等言 等取餘句應知。依此八言說句 於自於他隨起言說、謂此是我名 此是彼名等。亦如菩薩地說陵本四十九卷二十頁。</p> <p>又於實學有六輕懷等者、實 謂三寶。學 謂三學。如下自釋。不生敬信 是名輕懷。</p> <p>由惡友故等者、此釋前說六種輕懷退失善法所由。謂於佛、僧不敬信故 惡友為依 由是於增上心、壽 令得邪僻教誡教授、及於正法不敬信故 聽聞惡說法毗奈耶 是名惡語。由是為依 令於增上三學全無所得。</p>
--	---	--

卯一舉貪依	又有情心與不如理作意俱行 於色等境 有六種貪所依處平等分位。	又有情心至當知亦爾者：由說樂受貪所隨增 即此樂受 名為貪所依處。樂受生時 緣可意事 是名平等分位。由說苦受瞋所隨增 即此苦受 名為瞋所依處。苦受生時 緣不可意事境 是名不平等分位。由說不苦不樂受癡所隨增 即此不苦不樂受 名癡所依處。不苦不樂受生時 緣非可意非不可意事 是名非平等非不平等分位。如是三受緣六境生 故說六種。
卯二例瞋等	如貪所依處平等分位 如是瞋所依處不平等分位 癡所依處非平等非不平等分位 當知亦爾。	又有六種最極清淨等者：當知此說六恆住法：謂眼見色已 無喜無憂 安住上捨 正念正知。如是耳聞聲已 鼻嗅香已 舌嘗味已 身覺觸已 意了法已 無喜無憂 安住上捨 正念正知 如聲聞地設陵本三十四卷二十五頁。由住上捨 是故說言恆平等住。由住正知 是故說言無有染汙。由住正念 是故說言無間無缺。唯阿羅漢具足成就 是故說言最極清淨轉自所依 第一究竟。
寅四清淨無染恆住法別	又有六種最極清淨，轉自所依 第一究竟、無間無缺、無有染汙、恆平等住。 謂若行、若住，於眼所識色乃至意所識法中，恆平等住。	又有六法等者：此中六法 謂即士夫六界。如下自釋。諸根大種 是諸色根之所依止 根所依處大種 是根所依處之所依止 由是差別 是故說言隨其所應。眼耳鼻口咽喉等所有孔穴 是名空界。由此吞吐、於此吞吐、既吞吐已 由此孔穴便下漏洩 依此說言無有障礙。引導、安養於彼彼生自在而轉 此說識界。如下自釋當知。
卯一略標列	又有六法 是諸色根及所依處 隨其所應之所依止 無有障礙 引導、安養 於彼彼生自在而轉 謂四大種、空界、識界。	如是識界至愛非愛果者：此釋前說識引導義。識於現在受業薰習 任持彼種 是名積集任持福非福業 由此能引當來愛非愛果。
寅五士夫自體諸界差別 ^一	又有六法 是諸色根及所依處 隨其所應之所依止 無有障礙 引導、安養 於彼彼生自在而轉 謂四大種、空界、識界。	亦能執持至令不爛壞 ^十 者：此釋前說識安養義。如文易知。
卯二廣識界 ^二	如是識界，能於現在積集任持福、非福業 能引當來愛、非愛果。	又由現法至差別而轉者：此釋前說於彼彼生自在而轉義。顯識自在力 於現在世及當來世無正對治 展轉無盡故。
辰一引導	如是識界，能於現在積集任持福、非福業 能引當來愛、非愛果。	復有三處等者：當知此說六種順出離界所對治法。略攝為三：初 為前四之所對治 謂即欲貪、恚、害、不樂。次 為無相之所對治 謂即一切行相。後 為第六之所對治 謂即我慢。
辰二安養	亦能執持識所依止五種色根及所依處 令不爛壞。	
辰三生自在轉	又由現法後後所生識自在力 令諸有情 於善、不善、無記業中，差別而轉。	
寅六超越三處能治差別 ^三	復有三處 諸修行者難可超越。 一者、超越欲貪、恚、害、不樂所攝下界， 二者、超越一切行相現行，	
卯一舉三處	復有三處 諸修行者難可超越。 一者、超越欲貪、恚、害、不樂所攝下界， 二者、超越一切行相現行，	

卯二出能治	二者、超越有頂。 超越此三難超越處 當知由六種無上對治。 四無量是初對治 無相心三摩地是第二對治 我慢永盡是第三對治。	如文可知。修對治已 定能出離 是名超越。
卯二顯超越 ^一		
辰一明一切	永害如是所對治故 諸三摩地皆悉成滿。 善修對治故 害所對治 令彼決定不復現行。	永害如是所對治故等者：六對治中 初四對治梵住所攝 第五、第六、聖住所攝 由是說言諸三摩地皆悉成滿。不善修故 悲等過失容可現行 若善修習 定能出離一切悲等。為顯慈等於善害等是正對治 故作是說：善修對治故 害所對治 令彼決定不復現行。
辰二廣第三	已斷我慢者 終不為彼我為究竟、為不究竟 如是疑惑纏擾其心。當知有疑惑者 必不離我慢， 若離我慢 必無疑惑。	
寅七淨根本處及能治別 ^一		
卯一舉起淨處	又有六種淨根本處。 一、展轉相違 作不如意， 二、覆藏諸惡， 三、於等類中，剩受利養 執為己有 ^二 十一， 四、於衣服等更相欺誑， 五、違越學處， 六、於法於義顛倒執著。	又有六種淨根本處等者：當知依此六處建立六淨根法。謂忿恨、覆惱、嫉慳、誑誑、邪見、倒見。依第一處建立忿恨 謂依身等 於同梵行現行非愛 是名展轉相違作不如意。依第二處建立覆惱 謂於所犯樂欲隱藏 不欲令他知已所犯 是名覆藏諸惡。依第三處建立嫉慳 謂於僧祇共有財物偏多受用 是名於等類中剩受利養執為己有。依第四處建立誑誑 謂依邪命非法方便獲得財物 同梵行者正詰問時便不分明 假託餘事而有所說 是名於衣服等更相欺誑。依第五處建立邪見 謂無施與無祠祀無愛樂等。由是於非法中妄計法想 習諸邪行 是名違越學處。依第六處建立倒見 謂於無常常倒、於苦樂倒、於不淨淨倒、於無我我倒 是名於法於義顛倒執著。
卯二顯能斷法	又有六法 能斷如是淨根本處。 慈心所發身、語、意業 能斷初二，同受利養 能斷三四， 同趣尸羅 能斷第五，同趣正見 能斷第六。	又有六法能斷如是淨根本處等者：當知此說六種可愛樂法：慈心所發身語意業 是為初二，同受利養 是為第四，同趣尸羅 是為第五，同趣正見 是為第六。由此六種可愛樂法 能斷前說淨根本處。謂若令他獲得可愛利益安樂正現在前身等諸業 是名慈心所發身語意業。由此義故 說彼諸業能斷初二。餘文易知。
寅八能攝威德究竟差別	又有六法 能攝一切諸修行者威德究竟。 謂神境、天耳、宿住、他心、生死智通 能攝威德，	

寅九諦現觀法障治差別 _一	漏盡智通 能攝究竟。	
卯一明能障 _一		
辰一標	又於聖諦未得現觀補特伽羅，略有六種能障諦現觀法。	又於聖諦未得現觀補特伽羅等者，此中六種能障諦現觀法。謂
辰一釋 _一		三顛倒，規求利養，希望壽命，是為前五。順此五法，於彼彼
巳一舉前五	謂如前說二種愚癡增上力故，	事心生喜樂，是為第六。又彼五法，前說圓滿解脫厭離之所對
	起三顛倒，規求利養，希望壽命。	治，攝在解脫成熟分中，今此不爾，說障現觀，攝在明分中，
巳二顯第六 _一		是名此中差別。
午一標相	此中差別者，於順惡見、惡聞、惡說、惡分別處法中，	
	喜樂惡見、惡聞、惡說、惡分別事。	
午二辨攝	如是喜樂，於未得聖諦現觀異生心，最能漂動，極為障礙，	
	非於聖者。是故說此在明分中，非在解脫成熟分中。	
卯二明能治 _一		
辰一標	對治如是能障礙法，當知即是六種正取相。	對治如是能障礙法等者，此中一切世間不可樂取相，對治第六
辰一釋	謂如前說五種取相，及一切世間不可樂取相。	喜樂能障礙法，應知。
寅十歸依及證隨念差別 _一		
卯一標列	又有二種具足隨念六行差別，能令心沒諸修行者，	又有二種具足隨念六行差別等者，謂修定者心沈沒時，或恐沈
	正策其心，令生歡喜。	沒時，應修學相，隨念六行，令心歡喜，是故說此具足隨念六
	謂歸依具足隨念，有三種行，證具足隨念，有三種行。	行差別。如文可知。
卯二隨釋 _一		
辰一歸依隨念	於佛、法、僧隨念之行，名歸依隨念。	
辰一證隨念	於趣涅槃行、趣資財行、趣生天行隨念之行，名證隨念。	於趣涅槃行等者，此中趣涅槃行，謂於決定勝道。趣資財行，
		趣生天行，謂於增上生道。念自當證決定勝事、增上生事，名
		證隨念。由是策心，令生歡喜。
寅十一不共外道內法差別	又有六法於善說法毗奈耶中，立為無上，不與一切諸外道共。	又有六法至承事供養者，此中六法：一、見大師，二、聞正法，
	謂見大師，聞正法，得淨信，隨學一切所有學處，	三、得淨信，四、隨學一切學處，五、於大師所起隨念行，六、
		於大師以身語行承事供養。由於大師世可現見，不同諸天神等
		世不現見，是名第一無上不共。聞說正法，有談論故，諸天神

<div>寅十一為盡貪愛觀行差別</div> <div>寅十二諸業可依因緣差別^一</div> <div>卯一標</div> <div>卯二釋^一</div> <div>辰一舉下劣種姓</div> <div>辰二例貴勝種姓</div> <div>子七七種^一</div> <div>丑一結前正顯</div> <div>丑二別廣宣說^{十一}</div> <div>寅一圓滿解脫覺支差別</div> <div>寅二補特伽羅根果等別^一</div> <div>卯一標</div> <div>卯二釋^三</div> <div>辰一由根建立</div> <div>辰二由果建立</div> <div>辰三由解脫建立</div>	<p>於大師所起隨念行，謂佛世尊是正等覺者，能說一切法，乃至廣說，又於大師以身語行承事供養。</p> <p>又有六法能令為盡貪愛修觀行者，決定證知我於今者猶有貪愛，非無貪愛。謂於色境乃至法境，繫攝其心。</p> <p>又六因緣故，應知諸業是實可依，非家種姓^{十二}是實可依。</p> <p>謂下劣種姓補特伽羅，亦生不善往於惡趣，亦生善業往於善趣，亦於現法能般涅槃。</p> <p>貴勝種姓三種亦爾。</p> <p>已說六種佛教所應知處。次說七種。</p> <p>謂有七法，能於諸諦如實覺了，圓滿解脫。謂毗鉢舍那品有三：一、擇法，二、精進，三、喜。奢摩他品亦有三：一、安，二、三摩地，三、捨。念，通二品。</p> <p>又由根故、果故、解脫故，建立七種補特伽羅。</p> <p>於向道中，依鈍根、利根故，建立隨信、隨法行。</p> <p>於果道中即此二種，名信勝解^{十三}、見到。</p> <p>定障解脫，非煩惱障解脫故，建立身證，</p>	<p>等則不如是，是名第二無上不共。由善說法，通達實義，故得淨信，餘則不爾，是名第三無上不共。由善說毗奈耶，解了作與不作，故能隨學一切所有學處，是名第四無上不共。隨念大師是正等覺者，能說一切法，乃至廣說，餘則不爾，是名第五無上不共。又於大師以身語行承事供養，依一有情生最勝福，是名第六無上不共。</p> <p>又有六法至繫攝其心者：此說修觀行者樂斷、樂修。由觀察作意，隨於色境乃至法境，一種可愛淨相作意思惟。於思惟時，若復發起隨習近心，趣習近心，臨習近心，不能住捨，不能厭毀、制伏、違逆，便自證知我於今者猶有貪愛，非無貪愛，以於色境乃至法境繫攝心故。</p> <p>又六因緣故等者：下劣種姓補特伽羅，或生不善依往惡趣，或生善業依往善趣，或生無漏亦於現法能般涅槃，是名下劣種姓三種因緣。貴勝種姓三種，亦爾。如是總說六因緣故，應知諸業是實可依，非家種姓是實可依。</p> <p>謂有七法等者：當知此說七遍覺支。證諦現觀，名於諸諦如實覺了。斷見所斷迷諦煩惱，名於諸諦圓滿解脫。如是七支，略攝二品，如文可知。</p> <p>又由根故等者：由根建立二種補特伽羅，謂隨信行及隨法行。由果建立二種補特伽羅，謂信勝解及見到。此中信勝解，即信解，謂隨信行已見聖諦。見到，即見至，謂隨法行已見聖諦。由解脫建立三種補特伽羅，謂身證、慧解脫、俱分解脫。此中身證，謂於八解脫身已作證具足安住故，已能順逆入出自在，由是故說定障解脫。</p>
---	---	--

寅二由三因緣修定行別 ^一	煩惱障解脫、非定障解脫故、建立慧解脫， 定障、煩惱障，俱解脫故、建立俱分解脫。
卯一標	又三因緣七種行故、令修行者心得內定、心正一緣。
卯二釋 ^二	
辰一列三因緣	謂趣入、安住、攝受因緣。
辰二配七種行 ^三	
巳一趣入因緣	若世間正見、了知定有施與等行、 及此為依、了知居家迫迕、居家塵染等行、 出離所引正思惟、名趣入因緣。
巳二安住因緣	既趣入已、受持正語、正業、正命、名安住因緣。
巳三攝受因緣	於趣入因緣、安住因緣、及後方便作意隨行中、 所有正精進、正念、名攝受因緣。
寅四世所未得聖財樂別 ^二	
卯一標	又諸世間樂求財者、為得樂故、雖樂積集一切凡財、 而未能得七種聖財所生之樂。
卯二列	謂與信俱行清淨之樂、生於善趣所起之樂、 顧自妙好、不行諸惡、無有追悔所生之樂、 顧他誹毀、不行諸惡、無有追悔所生之樂、 於法於義、正解俱行所生之樂、 後世資財、無有匱乏所生之樂、 於勝義諦、如實覺悟所生之樂。
卯三釋	諸如是等無量無邊無罪之樂、樂求積集世間財者皆所未得、 唯得現法資財無匱所生有罪妄想之樂。
寅五魔惑品力障治差別 ^一	
卯一舉障品	又有七種魔惑品力。 一、憎嫉聖教、
	又三因緣七種行故等者：八道支中正定為後、前七道支為三因緣能證彼定、是故此中建立七種。三因緣者：一、趣入因緣、二、安住因緣、三、攝受因緣。七種行者：謂即正見、正思惟、正語、正業、正命、正精進、正念。此七種行與得正定為三因緣、如文可知。於攝受因緣中、當知正精進正念遍一切位、從其最初勝善法欲、出家受戒、乃至修習恬靜瑜伽、皆遍隨行故。如是漸次修行、後後轉勝轉增轉上、皆為正精進念之所攝受、是故名為攝受因緣。此中方便作意、謂即瑜伽作意、應知。
	又諸世間樂求財者等者：此中一切凡財、謂即適悅資具、滋長資具、清淨資具、任持資具。十種聖財：謂即信、戒、慚、愧、聞、捨、慧。如有尋有伺地說、陵本五卷一更。由信聖財、生信俱行清淨之樂。由戒聖財、感生善趣所起之樂。顧自妙好、名慚聖財、顧他誹毀、名愧聖財。由此二種、不行諸惡、無有追悔、是即名為彼所生樂。由聞聖財、於法於義正解俱行、是即名為彼所生樂。由捨聖財、後世資財無所匱乏、是即名為彼所生樂。由慧聖財、於勝義諦如實覺悟、是即名為彼所生樂。此七聖財所生之樂、若受用時、轉更充盛增長廣大、可從今也持往後世、是名無量無邊。又無怖畏、無怨對、無災橫、無燒惱等、以斷後世大苦、是名無罪。樂積凡財與此相違、是名唯得現法資財無匱及與有罪、應知。
	又有七種魔惑品力等者：此中七種、翻七聖財應知。謂不信、犯戒、無慚、無愧、匱聞、慳吝、愚癡。如次配釋。由此七種

<p>卯二例能治 寅六令法衰損及興盛別^一 卯一舉衰損^二 辰一標 辰一攝 辰三釋^一 巳一配名^二 午一受用衰損 午一增上意樂 午二方便衰損 巳二出類 卯二例相違 寅七令無退等涅槃品別^一 卯一略標列</p>	<p>一、現行能往惡趣惡行， 二、樂習不顧自妙好障法， 四、樂習不顧他誹毀障法， 五、於善不善、有罪無罪、若劣若勝、若黑若白 及廣分別緣起法中，不能解了， 六、慳垢弊心，積集眾具， 七、智慧狹劣，愚癡增廣。 若能降伏如是七種魔惑品力，當知即是聖法律中信等七力。</p> <p>又有七種第一義法涅槃所對治法，能令正法衰退隱沒。 如是七法，三衰損攝。 謂受用衰損、增上意樂衰損、方便衰損。</p> <p>於衣服等樂求妙好，樂欲多求， 及彼所起種種受用，名受用衰損。</p> <p>於道及道果涅槃，心不信解，名增上意樂衰損。 懈怠、失念、心亂、惡慧，名方便衰損。</p> <p>受用衰損，是貪不善根品類， 意樂、方便衰損，是癡不善根品類。 與此相違，當知即是白品七法。</p> <p>又有七種第一義法涅槃品法，能令正法無退久住。 一、聞所成慧，二、思所成慧，三、修所成慧， 四、不為惡緣侵損依止，五、正求財法，六、無增上慢， 七、於可供養不可供養補特伽羅，能善揀擇，</p>	<p>障生聖財，令修行者不能遍知及與遠離，故名魔惑品力。</p> <p>又有七種第一義法涅槃所對治法等者，此中七法，如文可知。 一、於衣服等無有喜足。此中等言，等取飲食臥具等事。於所未得，樂求妙好，樂欲多求，於所已得，染住耽縛，悶著堅執，不見過患、不知出離而受用之，名彼所起種種受用。二、於道諦心不信解。三、於道果心不信解，道果，即涅槃，滅諦攝故。四、懈怠。五、失念。六、心亂。七、惡慧。由無喜足，能令如理作意相應尋伺受用衰損，故說彼攝。由不信解，能令增上意樂衰損，故說彼攝。由懈怠失念故，令戒衰損，由心亂故，令定衰損，由惡慧故，令慧衰損，是故總說方便衰損所攝。由三衰損，說彼七種能令正法衰退隱沒，是故成為第一義法涅槃所對治法。</p> <p>又有七種第一義法涅槃品法等者，由此七種，唯以涅槃而為上首，是故名為第一義法涅槃品法。此中第四，不為惡緣侵損依止者，謂遠離目苦行處受諸飲食，存養壽命，身得安住，由是身無飢渴，有力有能，堪任修斷。又彼第五正求財法者，謂以法及不兇險追求財物，名正求財。於善說法猛利愛重，求欲多</p>
--	--	---

<p>卯二顯勝利</p> <p>寅八受生有情諸識住別一</p> <p>卯一標</p> <p>卯二釋二</p> <p>辰一簡非一</p> <p>巳一標</p> <p>巳一釋</p> <p>辰二辨類一</p> <p>巳一總標名</p> <p>巳二隨難釋一</p> <p>午一身異想一</p>	<p>此可供養此不可供養。</p> <p>此中由聞慧故 於未了義能正解了，</p> <p>由思慧故 於未善決定義能善思惟，</p> <p>由修慧故 斷諸煩惱，</p> <p>由無惡緣侵損依止故 堪能修斷，</p> <p>正求財法故 速證通慧，</p> <p>無增上慢故 於下品所證不生喜足，</p> <p>能善揀擇補特伽羅故 於諸世智大福者等，</p> <p>不樂親近 亦不供養 唯樂親近供養少欲者等。</p> <p>又有七種諸有情類受生處所 於彼處所受生有情諸識現前相續而住。</p> <p>於三界中，唯除惡趣、無想有情 及非想非非想處。</p> <p>由惡趣中，極可厭故 不立識住，</p> <p>無想有情 一向轉識不現行故 不立識住，</p> <p>非想非非想處 行與不行不決定故 不立識住。</p> <p>身異類故 名種種身，想異類故 名種種想。</p> <p>當知與此相薄 名一種身、一種想。</p> <p>梵世已下，身形異類 所生身形 種種色相有差別故。</p> <p>於梵世中初受生時 彼諸梵眾咸作是念：我等皆是大梵所生。</p> <p>爾時梵王亦作是念：是諸梵眾皆吾所生。如是彼想非有異類。</p>	<p>聞無有厭足，名正求法。餘易可知。</p> <p>又有七種諸有情類受生處所等者，當知此說七種識住。於三界中唯除惡趣、無想有情及非想非非想處不立識住 如文可知。所餘一切處所 有色有情有四識住 無色有情有三識住 如是總成七種識住。有色有情有四識住者：謂有情身異想異是第一識住。彼諸色身種種顯形狀貌異故 是名身異，又彼苦樂不苦不樂想差別故 是名想異，此如人及一分天是。一分天者 謂欲界天及初靜慮，除劫初起。或有有情身異想一，是第二識住，此如梵眾天是。唯劫初起身異想一，如文自釋。或有有情身一想異，是第三識住，如第二靜慮諸天是。身一想異 如文自釋。或有有情身一想一，是第四識住，如第三靜慮諸天是。身一，如前說 想一，謂唯有樂想。是名有色有情四種識住。無色有情有三識住者：謂空無邊、識無邊、無所有處 下三無色應知。</p>
---	---	--

午 一身二想異	第二靜慮已上一切諸天 身光等照故 名一種身。 光音天眾先後生者 由瞋梵世猛發燒然 爾時便有怖、不怖想 是故於彼有異類想。	
寅九遍攝煩惱麤重差別	又諸有情有七種麤重 遍攝一切煩惱品麤重。 謂劣界貪、瞋品麤重 中界妙界貪品麤重 劣中妙界慢、無明、見、疑品麤重。	又諸有情有七種麤重等者：當知此說七種隨眠：謂欲貪隨眠、瞋恚隨眠、有貪隨眠、慢隨眠、無明隨眠、見隨眠、疑隨眠。初二隨眠欲界所攝 由是說言劣界貪、瞋品麤重。有貪隨眠色無色攝 由是說言中界妙界貪品麤重。慢、無明、見、疑隨眠通三界攝 由是說言劣中妙界慢、無明、見、疑品麤重。劣、中、妙界 如其次第 即欲、色、無色之異名故。
寅十惡說善說有無失別		
卯一舉有失		
辰一標列	又於外道惡說法律中 當知有七種過失。 謂解過失、行過失、依止過失、思惟過失、功用過失、 增上心過失、增上慧過失。	謂解過失等者：由邪勝解 名解過失。由受邪行戒 名行過失。事邪師友 名依止過失。不如理作意 名思惟過失。不勤正方便 名功用過失。彼所得定為諸煩惱之所染汙 名增上心過失。住諸惡見 名增上慧過失。如下一一別釋可知。
辰二隨釋		
巳一解過失	彼諸外道 雖少於法聽聞受持 而常隨順四顛倒故 凡興言論 專為毀他免脫徵難 為勝利故 其所生解皆有過失。	
巳二行過失	所受禁戒 邪範邪命所攝受故 不能令自得出離故 亦有過失。	
巳三依止過失	所事師友 唯能宣說顛倒道故 亦有過失。	
巳四思惟過失	所有思惟 邪求出離損壞心故 亦有過失。	
巳五功用過失	所有功用 離方便故 亦有過失。	
巳六增上心過失	彼增上心 忘念、愛、慢及與無明、疑上靜慮之所攝故 亦有過失。	
巳七增上慧過失	彼增上慧 六十二見所損壞故 亦有過失。	
卯二例無失	與此相違 當知善說法律中 亦有七種無過失事。	
寅十一令犯譴事止息差別		
卯一標指	又有七法 令諸苾芻所起違犯諍事止息。餘如攝事分中當	又有七法令諸苾芻所起違犯諍事止息等者：此中七法 謂如七

<p>卯二 列事</p>	<p>說。</p> <p>當知此中有七種違犯諍事。</p> <p>一、開悟現前犯諍事；</p> <p>二、開悟過去失念犯諍事；</p> <p>三、開悟不自在犯諍事；</p> <p>四、尋思犯諍事；</p> <p>五、決擇犯諍事；</p> <p>六、自悔犯諍事；</p> <p>七、忍愧建立二眾展轉舉罪諍事。</p>	<p>種違犯諍事能令除滅。應知。有諸同梵行者，舉餘同梵行者所犯眾罪，即於現前四目相對，而以其實，不以非實，是名開悟現前犯諍事。有諸苾芻，見餘苾芻犯罪時節，別於後時彼犯罪者忘自所犯，其見犯者記彼所犯，便舉是事，令其憶念，是名開悟過去失念犯諍事。復有苾芻，由顛狂故，現行眾多非沙門法，不隨順法，彼由此事，應不成犯，復有一類無知苾芻，謂彼成犯，非處舉發，是名開悟不自在犯諍事。復有苾芻，於眾僧中舉苾芻罪，其能舉者起有犯想，其所舉者起無犯想，是名尋思犯諍事。有異住處眾多苾芻，於所犯罪互生疑諍，或言有犯，或言無犯，或言是重，或言是輕，是名決擇犯諍事。復有苾芻，既犯罪已，自惡作纏之所激發，遂成憂悔，是名自悔犯諍事。有多苾芻，互相舉罪，各為憍慢之所執持，不欲展轉相對發露，專事離散，二部別居，各作是言：「彼既不肯來對我眾發露悔滅，我等何為輒就彼眾發露悔滅？」是名忍愧建立二眾展轉舉罪諍事。此七諍事，隨應除滅。攝事分中一一別顯，應知。陵本九十九卷二十三頁。</p>
--------------	---	--

科 判	正 文	披 尋 記
子一八種 ^一 丑一結前正顯 丑二別廣宣說 ^九 寅一二種修攝聖道差別 ^一 卯一標列 卯二配屬 寅三補特伽羅道果差別 寅三有失無失施相差別 ^一 卯一標列 卯二隨釋 ^一 辰一標配 辰二辨相 ^一 巳一有失	本地分中聞所成地第十之三 已說七種佛教所應知處。次說八種。 謂有八支聖道所攝，令諸苾芻究竟斷結三種修法， 謂修戒、修定、修慧。 正語、正業、正命，名為修戒，正念、正定，名為修定， 正見、正思惟、正精進，名為修慧。 又由正方便及果增上力故，建立清淨品八種補特伽羅， 謂行四向、住四果者。 又有二種施，八相差別：一、有過失施，二、無過失施。 前七種施，名有過失，最後一種，名無過失。 謂有布施懈怠所損，故有過失。 或有布施不隨所欲，故有過失。 謂有染心者、怖畏貧窮、希求富樂而行布施。 或有布施顧戀過去，故有過失。 或有布施希望未來，故有過失。 或有布施有輕慢過，故有過失。 或有布施希求富樂，故有過失。 或有布施求他知聞，故有過失。	 謂有八支聖道所攝等者：由八支聖道故，建立八種。為顯三增 上學所攝，是故說為三種修法。由此能令苾芻證無學果，是故 說言究竟斷結，五上分結皆永斷故。 謂有布施懈怠所損者：謂由懈怠，見來求者正現在前，不能速 疾而行布施，是名懈怠所損。 或有布施不隨所欲等者：謂由染心，於行布施不能圓滿，是名 不隨所欲。此有二別：謂由財物少闕，怖畏貧窮，故不欲施， 或由施物悅意上妙，希求富樂，故不欲施。 或有布施顧戀過去者：謂施已生悔故。 或有布施希望未來者：謂希他還報故。 或有布施有輕慢過者：謂不敬彼，擲擲而與故。

巳二無失	無過失施者：謂迴向涅槃故，為彼資糧故。	謂迴向涅槃故等者：為證解脫，不觀施果，是名迴向涅槃。為欲積集涅槃資糧，是名為彼資糧。若諸菩薩為利他故，修習施波羅蜜多行，往生善趣，得大財富，而於其中無有希愛，是名無染汙心為往善趣故，為得大財故，而行布施。
寅四勤怠依處時分差別 ^一	無染汙心為往善趣故，為得大財故，而行布施。	
卯一舉懈怠 ^二		
辰一標	又依四處，於八時中趣入懈怠，不發精進。	
辰二列 ^一	當知如是補特伽羅是懈怠類，非精進類。	
巳一四處	謂依乞食處，依所作處，依遊行處，依界不平等處。	
巳二八時	依此四處，八時差別。多食精美，身沉重時，少食麤惡，身劣頓時，將欲所作，護惜力時，已有所作，身疲倦時，將欲遊行，護惜力時，已涉長途，身疲倦時，正為病苦所纏擾時，所病已愈，恐更發時。	
辰三釋	此懈怠類補特伽羅，乃至未遇懈怠所依，少似精進，若得遇已，速發懈怠。是故名為懈怠種類。	乃至未遇懈怠所依者：前說四處，名懈怠所依。於彼八時差別未現前時，說名未遇。
卯二例精進	與此相違，亦依四處，於八時中發動精進。	
	當知如是補特伽羅能伏懈怠，勤精進類。雖遇懈怠所依，亦能發動精進，何況不遇，是故名為勤精進類。	
寅五願樂欲生可愛因別	又有八種正願所攝可愛生因，能令於諸欲中樂增上生，不求永離一切欲者，當生八種可愛生處。	又有八種正願所攝可愛生因等者：此依八種可愛生處，說彼生因亦有八種，謂即施戒，二福業事。修此為因，彼果得遂，由是說言正願所攝。八種可愛生處者：謂於人中有二種類及六欲天，是即諸欲勝生差別。人種類中，若生旃荼羅家、卜羯荼家、造車家、竹作家，以及下賤貧窮乏少財物飲食等家，是名卑惡種類。若生刹帝利、婆羅門、諸長者大富貴家，以及所餘豪貴大富多諸財穀庫藏等家，是名尊貴種類。如有尊有伺地設陵本九卷十更。
寅六於人天趣建立眾別 ^一	謂願人中卑惡種類，修小施、戒，二福業事；如是願樂人中尊貴種類、四大王天、三十三天、夜摩天、觀史多天、化樂天、他化自在天，修小施、戒，二福業事。	
卯一總標	又四因緣故，於人趣中，建立如來四眾；	又四因緣故於人趣中建立如來四眾等者：此中八眾：謂即刹帝

卯二別顯二	三因緣故 於天趣中 建立四眾	利眾、婆羅門眾、長者眾、沙門眾、四大天王眾、三十三天眾、
辰一人眾	最增上故，世間共許為福田故 受用資財不由他故	餓摩天眾、梵天眾。如是八眾 名眾會事。如前意地說陵本三
辰天眾	棄捨一切世資財故。由此四緣 於人趣中 建立四眾。	卷十六頁。如來處眾說法 有此八眾差別 是故名如來眾。今
	依地邊際故 欲界邊際故 語行邊際故。	於天趣中建立四眾，不言如來者 當知略未具說故。初四因
寅七依二處轉世法差別二	由此三緣 於天趣中 建立四眾。	緣 如次配釋人中四眾應知。後三因緣中 依初一因緣 建立
卯一標列		四大王天眾、三十三天眾 彼居持雙山頂、蘇迷盧頂 是名依
卯二配屬		地邊際。依第二因緣 建立餓摩天眾 此居魔羅天宮 即他化
		自在天攝 然處所高勝 是名欲界邊際。依第三因緣 建立梵
		天眾 從此已上超過尋伺 是名語行邊際。
寅八能引通等諸解脫別二		
卯一標	又於世間三處轉時 恆常世間八法所觸。	又於世間三處轉時等者 謂利、非利、毀、譽、稱、譏、苦、
卯二釋二	謂樂欲處、功用處、眾緣處。	樂 是名世間八法 一切世間恆所行故。意樂所作 名樂欲處。
辰一引聖神通二	於樂欲處轉時 或觸於利 或觸非利。	身語所作 名功用處。於樂欲處轉時 若得不得 是名或觸於
巳一出三解脫	於功用處轉時 或稱他意 或不稱意，	利 或觸非利。於功用處轉時 或稱他意 則觸譽、稱 或不
	於背面位觸於毀、譽 於現前位觸於稱、譏。	稱意 則觸毀、譏。餘文易知。
巳顯不共有	於眾緣處轉時 或由先世、或由現法苦樂眾緣 觸於苦樂。	
辰引最勝住		
	又八勝解 能引不還、或阿羅漢諸聖神通及最勝住。	又八勝解等者 當知此即八種解脫。三摩呬多地中已顯其相（陵
		本十二卷五頁。如彼應釋。此中未伏內色想者 謂已離欲界欲
		未離色界欲故。外無染汙色勝解者 謂於有光明而作勝解故。
		已伏內色想者 謂已離色界欲 又不思惟彼想明相故。淨不淨
		非二色第一捨勝解者 謂於內淨不淨諸色 已得展轉相待想、
		展轉相入想、展轉一味想故 名淨不淨非二色勝解 已得捨念
		圓滿清白故 名第一捨。
	謂未伏內色想 外無染汙色勝解 是名第一。	
	已伏內色想 是名第二。	
	淨不淨非二 色第一捨勝解 是名第三。	
	此三解脫 於一切色得自在故 便能引發諸聖神通。	
	謂諸神通 不與一切異生共有。	
	空無邊勝解、識無邊勝解、無所有勝解、	
	非想非非想勝解、微微任運心勝解	
	此五勝解次第善修治故 能引想受滅等至最勝住。	

寅九觀外諸色勝處差別 ^二		
卯一標數	又若觀諸色 若如所觀於初三解脫中而修習者 謂三解脫方便道所攝三勝處也。	又若觀諸色等者：當知此說八種勝處。前四勝處 由有色觀諸色 內無色想觀外諸色 一解脫所建立。後四勝處 由淨解脫身作證真足住所建立。初三解脫善修治故 後方能起勝知勝見 故稱勝處。由是勝處說為三解脫方便道所攝 依三解脫得三勝處名。
卯二標說	此中觀外諸色 若小若大、若好若惡、若劣若勝者：	
卯二隨釋 ^三		
辰一觀外色	謂觀非三摩地所行現所得色。	
辰二得勝名	由緣三摩地所行作意不種種現前 故名為勝。	由緣三摩地所行作意不種種現前等者：此中義顯能隱蔽他、自在迴轉 故名為勝。如三摩呬多地說陵本十二卷七頁。
辰三明知見 ^一		
巳一舉於三摩地	於三摩地所行中，奢摩他行名知 毗鉢舍那行名見。	
巳二例非三摩地	如於三摩地所行 若知若見 如於彼色已尋思、已了別 如是於外所想非三摩地所行中，觀諸色亦爾。	如於三摩地所行若知若見等者：此中知見 義顯能觀，彼色 義顯所觀。觀少觀多及與青黃赤白 名已尋思已了別。
子九九種 ^一		
丑一結前正顯	已說八種佛教所應知處。次說九種。	
丑二別更宣說 ^二		
寅一煩惱結別	謂有九結 如攝事分當廣建立。	
寅二有情居別	又有九種生處受生有情 於彼彼處同所居止 謂三界中，除諸惡趣 可厭處故 如前已說。	又有九種生處等者：當知此說九有情居。如前已說七識住中，唯除惡趣、無想有情 及非想非非想處。今有情居 說七識住兼彼無想有情、非想非非想處 是故成九。唯除惡趣 可厭處故 非諸有情所樂住故 非有情居。
子十十種 ^一		
丑一結前正顯	已說九種佛教所應知處。次說十種。	
丑二別更宣說 ^二		
寅一遍處類別	謂十遍處 當知即諸解脫所作成就。 餘解脫、勝處、遍處 如攝事分當廣分別。	謂十遍處等者：地、水、火、風、青、黃、赤、白 是名八色遍處 及識遍處 空遍處 總此三種 名十遍處。三摩呬多地說：修觀行者 先於所緣思惟勝解，次能制伏，既於制伏得自在已 後即於此遍一切處 如其所欲而作勝解，是故此三如其次第陵本十二卷八頁。由是此說即諸解脫所作成就。三餘解脫、勝處、遍處者 攝事分中未有此文。
寅二無學支別	又有十無學支 當知無學五蘊所攝。	又有十無學支等者：謂無學正見、正思惟、乃至無學正解脫、

辛五結	謂戒蘊、定蘊、慧蘊、解脫蘊、解脫知見蘊。	正智 是名十無學文。此中正語、正業、正命、戒蘊所攝，正念、正定、定蘊所攝，正見、正思惟、正精進、慧蘊所攝，正解脫、解脫蘊所攝，正智 解脫知見蘊所攝應知。
庚二醫方明處 ^四	如是已說十種佛教所應知處 及前所說佛教所應知處等，當知皆是內明處攝。	及前所說佛教所應知處等者，此中等言 等取前說九種 乃至最初佛教所應知處。
辛一徵	云何醫方明處？	
辛二標	當知此明略有四種。	
辛三列	謂於病相善巧 於病因善巧 於已生病斷滅善巧 於已斷病後更不生方便善巧。 如是善巧廣分別義 如經應知。	謂於病相善巧等者，顯揚論說：苦諦如病 集諦如病因 滅諦如病滅 道諦如病滅因顯揚論十九卷 ^{十四} 七夏。今說四種因果差別道理亦爾。於彼善巧 故說為明。
辛四指		
庚二因明處 ^一	已說醫方明處。云何因明處？	
辛一結前生後		
辛二正廣宣說 ^四		
壬一標	謂於觀察義中諸所有事。	謂於觀察義中諸所有事者，於所成立思惟決擇，名觀察義諸所有事。如下七種 應知。
壬一徵	此復云何？	
壬三列 ^一		
癸一嚧陀南	嚧陀南曰：	
	論體論處所 論據論莊嚴 論負論出離 論多所作法。	
癸二長行	當知此中略有七種。 一、論體性 二、論處所 三、論所依 四、論莊嚴 五、論墮負 六、論出離 七、論多所作法。	
壬四釋 ^七		
癸一論體性 ^四		
子一徵	云何論體性？	
子二標	謂有六種。	
子三列	一、言論 二、尚論 三、淨論	

子四釋 ^一	四、毀謗論	四、毀謗論	
丑一別辨相 ^六			
寅一言論	言論者，謂一切言說，言音，言詞，是名言論。	調一切言說言音言詞者，見、聞、覺、知四種言說，是名一切言說。言所須具，是名言音。起言說欲，是名言詞。	
寅二尚論	尚論者，謂諸世間隨所應聞，所有言論。	調諸世間隨所應聞所有言論者，謂諸世間善法言義，應可聽聞，名所應聞。彼之言論世所欣尚，故名尚論。	
寅三諍論 ^三			
卯一依諸欲起 ^三			
辰一舉依處 ^一			
巳一有攝受欲	諍論者，謂或依諸欲所起。若目所攝諸欲，他所侵奪，若他所攝諸欲，自行侵奪，若所愛有情所攝諸欲，更相侵奪，或欲侵奪。	若所愛有情所攝諸欲者，謂自所愛有情所攝諸欲，與餘有情更相侵奪故。	
巳二無攝受欲	若無攝受諸欲，謂歌舞戲笑等所攝，若倡女僕從等所攝，或為觀看、或為受用。	或欲侵奪者，通說前三差別應知。謂自所攝，他欲侵奪，若他所攝，自欲侵奪，所愛有情所攝，與餘互欲侵奪。	
		若無攝受諸欲者，此中諸欲，非目所攝，非他所攝，亦非自所愛有情攝，名無攝受。	
		或為觀看或為受用者，覺慧為先、功用為先、欲樂為先，眼見眾色，是名觀看。互相受用，受用境界，受諸快樂，是名受用。於無攝受諸欲，為此二事，更相侵奪，或欲侵奪，應知是此所欲說義。	
辰二顯因緣	於如是等諸欲事中，未離欲者，為欲界貪所染汙者，因堅執故、因縛著故、因耽嗜故、因貪愛故，發憤乖違。	因堅執故等者，此說貪為因緣種種相別。不欲棄捨，是名堅執。不欲出離，是名縛著。無有厭足，是名耽嗜。樂著受用，是名貪愛。由是為因，遇不饒益，故令發憤，互相乖違。	
辰三釋諍論	臺門諍者，興種種論、興怨害論，故名諍論。	興種種論與怨害論者，諍無止息，前後變異，名種種論。或為毀辱，或為惱害，口出矛鏑，更相鑽刺，名怨害論。	
卯二依惡行起 ^三			
辰一舉依處	或依惡行所起。若自所作身語惡行，他所譏毀，若他所作身語惡行，自行譏毀，若所愛有情所作身語惡行，互相譏毀。	若所愛有情所作身語惡行互相譏毀者，謂自所愛有情所作惡	

辰二顯因緣	於如是等行惡行中，願作未作諸惡行者 未離欲界貪、瞋、癡者，重貪、瞋、癡所拘蔽者 因堅執故、因縛著故、因耽嗜故、因貪愛故 更相憤發，懷染汙心，互相乖違。	行與餘有情互相譏毀故。譏，譏現前位。毀，為背面位。如前已說應知。
辰二釋淨論	喜鬥淨者，興種種論、興怨害論，故名淨論。	於如是等行惡行中等者，此說興淨論者三種補特伽羅相：謂有一類未受淨戒，乃至未能遠離惡行以來，常得說名願作未作諸惡行者，此即第一補特伽羅。復有一類雖受淨戒不作惡行，而於定地得未作意，未能制伏欲界煩惱，是名未離欲界貪瞋癡者，此即第二補特伽羅。復有一類貪瞋癡相極為增上，拘礙於心，令不自在，覆蔽其心，令不顯了，是名重貪瞋癡所拘蔽者，此即第三補特伽羅。
卯二依諸見起 ^三	或依諸見所起。	
辰一舉依處	謂薩迦耶見、斷見、無因見、不平等因見， 常見、兩眾 ^{二十五} 見等種種邪見，及餘無量諸惡見類。	或自所攝他所遮斷等者，語現行時，若被遮止，令不相續，是名遮斷。應知略有四相差別，如文可知。初三種相，謂於現在位。後一種相，謂於過去位。或為成立自宗而有所說，令他攝受自所許義，名欲攝受所未攝受。
辰二指因緣	於如是諸見中，或自所攝、他所遮斷， 或他所攝，自行遮斷，或所愛有情所攝，他正遮斷， 或已遮斷，或欲攝受所未攝受。	
辰二釋淨論	由此因緣，未離欲者，如前廣說。	
寅四毀謗論 ^三	乃至興種種論、興怨害論，是名淨論。	
卯一標	毀謗論者， 謂懷憤發者，以染汙心振發威勢，更相攢毀，所有言論。	
卯二釋	謂麤惡所引，或不遜所引，或綺言所引， 乃至惡說法律中，為諸有情宣說彼法，研究抉擇，教授教誡。	謂麤惡所引等者，若毒螫語，若麤獷語，名麤惡所引。若非可愛可樂、可欣、可意語，名不遜所引。邪舉罪者，言不應時，若復不實，若引無義，若復麤獷，若挾瞋恚，是名綺言所引。又邪說法時，亦有五相，名為綺語。謂不思量語、不靜語、雜亂語、非有教語、非有法語。由是此說，乃至惡說法律等言。義如有尋有伺地說陵本八卷十二頁。
卯二結	如是等論，名毀謗論。	
寅五順正論 ^一		
卯一出體	順正論者，謂於善說法律中，為諸有情宣說正法， 研究決擇，教授教誡。	為諸有情宣說正法等者，為斷有情所疑惑故，宣說正法，由此能令無倒聽聞。為達甚深諸句義故，研究決擇，由此能令清淨思惟。為令智見畢竟清淨故，教授教誡，由此能令修習正定。
卯二顯義	為斷有情所疑惑故，為達甚深諸句義故	

寅六教導論 _一	為令智見畢竟淨故，隨順正行、隨順解脫。 是故此論名順正論。	
卯一出體	教導論者：謂教修習增上心學、增上慧學補特伽羅。	
卯二顯義	心未定者令心得定，心已定者令得解脫，所有言論。	
丑二問答辨 _一	令彼覺悟真實智故，令彼開解真實智故，是故此論名教導論。	令彼覺悟真實智故等者：此中初句，釋前令心得定所由。後句，釋前令得解脫所由。心得定故，能如實知、能如實見，是名覺悟真實。得解脫故，能為他說宣揚開示目所證法，是名開解真實。
寅一問	問：此六論中，幾論真實能引義利，所應修習？	
寅二答	幾不真實，能引無義，所應遠離？ 答：最後二論是真真實，能引義利，所應修習， 中間二論不真不實，能引無義，所應遠離， 初二種論應當分別。	初二種論應當分別者：謂於言論、尚論中，或是真實，或不真實，或能引義，或引無義，或應修習，或應遠離，由是說言應當分別。以此一種，總攝一切雜染清淨言論。
癸二論處所 _三	云何論處所？ 當知亦有六種。	初二種論應當分別者：謂於言論、尚論中，或是真實，或不真實，或能引義，或引無義，或應修習，或應遠離，由是說言應當分別。以此一種，總攝一切雜染清淨言論。
子一徵	一、於王家，	
子二標	二、於執理家，	
子三列	三、於大眾中， 四、於賢哲者前 五、於善解法義沙門、婆羅門前 六、於樂法義者前。	一於王家等者：此中六種處所，謂即處在六種眾中。處大眾中，名於王家。處執眾中，名於執理家。處多眾中，名於大眾中。處諦眾中，名於賢哲者前。處善眾中，名於善解法義沙門婆羅門前。處雜眾中，名於樂法義者前。此六種眾，如下無畏中說，陵本十五卷十六頁。
癸三論所依 _五	云何論所依？ 當知有十種。	
子一徵	謂所成立義有二種，能成立法有八種。	
子二標		
子三列		
子四釋 _二		

<p>丑_二別辨相_二</p> <p>寅_二所成立義_二</p> <p>卯_二牒列</p> <p>卯_二隨釋_二</p> <p>辰_二自性</p> <p>辰_二差別</p> <p>寅_二能成立法_二</p> <p>卯_二牒列</p> <p>卯_二隨釋_八</p> <p>辰_二立宗_二</p> <p>巳_二標</p> <p>巳_二釋</p> <p>辰_二辯因</p>	<p>所成立義有二種者：一、自性，二、差別。</p> <p>所成立自性者：謂有立為有，無立為無。</p> <p>所成立差別者：謂有上立有上，無上立無上，常立為常，無常立無常。</p> <p>如是有色無色、有見無見、有對無對、有漏無漏、有為無為</p> <p>如是等無量差別門，當知名所成立差別。</p> <p>能成立法有八種者：一、立宗，二、辯因，三、引喻，四、同類，五、異類，六、現量，七、比量，八、正教。</p> <p>立宗者：</p> <p>謂依二種所成立義，各別攝受自品所許，或攝受論宗。</p> <p>若自辯才，若輕懷他，若從他聞，若覺真實，或為成立自宗，或為破壞他宗，或為制伏於他，或為摧屈於他，或為悲愍於他，建立宗義。</p> <p>辯因者：謂為成就所立宗義，依所引喻，同類異類，現量比量及與正教，建立順益道理言論。</p>	<p>能成立法有八種等者：此中立宗，謂即宗言，由是說言能成立法。前說自性差別，謂即宗義，是故說言所成立義。餘自下釋。</p> <p>謂依二種所成立義等者：自性差別，是名二種所成立義，如前已說。以此為依，攝受自宗所許品類差別。此復云何？謂依自性所成立義，攝受自宗所許品類差別，或立為有，或立為無，及以差別所成立義，攝受自宗所許品類差別，或立有上無上，乃至有為無為，是名各別攝受自品所許。或復依二所成立義，攝自他宗，於一切法能起談論，是名攝受論宗。</p> <p>若自辯才至建立宗義者：此中初四差別，明建立宗義所依。後五差別，明建立宗義所為。</p>
---	---	---

辰二引喻	引喻者：亦為成就所立宗義 引因所依 諸餘世間串習共許易了之法 比況言論。	
辰四同類 ^一		
巳一釋 ^一		
午一略	同類者：謂隨所有法望所餘法 其相展轉少分相似。	
午二廣 ^三		
未一標	此復五種：	
未二列	一、相狀相似 二、自體相似 三、業用相似 四、法門相似 五、因果相似。	
未三釋 ^五		
申一相狀相似	相狀相似者：謂於現在 或先所見相狀 相屬展轉相似。	相狀相似等者：如下相比量中廣釋其相應知。謂隨所有相狀相屬 或由現在 或先所見 推度境界，是相比量所有略義 此應準釋。
申二自體相似	自體相似者：謂彼展轉 其相相似。	自體相似等者：如下體比量中廣釋其相應知。謂現見彼自體性故 比類彼物不現見體，或現見彼一分自體 比類餘分，是體比量所有略義 此應準釋。
申三業用相似	業用相似者：謂彼展轉作用相似。	業用相似等者：如下業比量中廣釋其相應知。謂以作用比業所依 是業比量所有略義 此應準釋。
申四法門相似 ^一		
酉一標相	法門相似者：謂彼展轉法門相似。	法門相似等者：如下法比量中廣釋其相。謂以相鄰相屬之法比餘相鄰相屬之法 是法比量所有略義 此應準知。
酉二舉例	如無常與苦法、苦與無我法、無我與生法、生法與老法、 老法與死法。如是有色無色、有見無見、有對無對、 有漏無漏、有為無為 如是等類無量法門 展轉相似。	
申五因果相似	因果相似者：謂彼展轉 若因若果 能成所成 展轉相似。 是名同類。	因果相似等者：順益義是因義 成辦義是果義 是故因果展轉相似。由是道理 觀察義中，能成即因 所成即果 是故亦說展轉相似。
巳二結		
辰五異類 ^一		
巳一略	異類者：謂所有法 望所餘法 其相展轉 少不相似。	
巳二廣 ^一		
午一標	此亦五種。	

午 指	與上相邊 應知其相。	
辰 六現量 ^一		
巳 一標列	現量者 謂有三種： 一、非不現見 二、非已思應思 三、非錯亂境界。	
巳 二隨釋 ^二		
午 一別辨相 ^三		
未 一非不現見 ^三		
申 一標列	非不現見現量者 復有四種：謂諸根不壞 作意現前 相似生故，超越生故，無障礙故，非極遠故。	謂諸根不壞作意現前者：此中諸根 謂諸色根 依色根現量 說諸根不壞故。作意 謂三界意及不繫意 依意受現量 說作 意現前故。
申 二隨釋 ^四		
酉 一相似生	相似生者：謂欲界諸根 於欲界境 上地諸根於上地境 已生已等生 若生若起 是名相似生。	謂欲界諸根於欲境界等者：此中已生已等生 謂欲界諸根於欲 境界 從出生位乃至諸根成熟以來 是名已生，諸根成熟乃至 耆熟位 名已等生。若生若起 謂上地諸根於上地境。受上地 生 彼根名生。入上地定 彼根名起。根境相對 同一界地 是名相似。
酉 二超越生	超越生者： 謂上地諸根於下地境 已生等如前說 是名超越生。	
酉 三無障礙 ^一		謂上地諸根於下地境等者：謂生欲界 依欲界身 引發上地若 眼若耳 由此見聞下地色聲。如有尋有伺地說陵本十卷十九 頁。今說上地諸根於下地境 義應準知。此中已生 謂實初生 位。已等生 謂相續生位。若生 謂於果位。若起 謂於因位。 總略為論 名如前說。然非無別 隨義應悉。又此諸義 亦可 通前 不更分別 名如前說。
戌 一標列	無障礙者 復有四種： 一、非覆障所礙，二、非隱障所礙， 三、非映障所礙，四、非惑障所礙。	
戌 二隨釋 ^二		
亥 一舉相邊 ^四		
天 一覆障所礙	覆障所礙者：謂黑暗、無明暗、不澄清色暗所覆障。	覆障所礙等者：覆有三種：謂日後分 或山山峰影等 懸覆、 遍覆、極覆。如意地說陵本一卷十五頁。今於此中說有三暗 逆次應知。謂由極覆 名為黑暗。由遍覆故 名無明暗。由懸 覆故 名不澄清色暗。
天 二隱障所礙	隱障所礙者：	隱障所礙等者：謂由藥草等力 令身隱沒 不顯現故。

天二映障所礙 ^三	謂或藥草力、或咒術力、或神通力之所隱障。	
地一少小與眾多	映障所礙者：謂少小物 為廣多物之所映奪，故不可得。	
地一小光與大光	如飲食中藥 或復毛端 如是等類，無量無邊。	
地二能治與所治	且如小光、大光所映，故不可得。所謂日光 映星月等，又如月光映奪眾星。	
天四惑障所礙	又如能治映奪所治，令不可得。謂不淨作意映奪淨相 無常、苦、無我作意映奪常樂我相 無相作意映奪一切眾相。	
亥三結無礙	惑障所礙者：謂幻化所作，或色相殊勝，或復相似，或內所作，目眩惛夢，悶醉放逸，或復顛狂，如是等類，名為惑障。	幻化所作等者：謂如幻師，積集草葉木瓦礫等，現作種種幻化事業：所謂象身、馬身、車身、步身、木尼、珍珠、琉璃、螺貝、璧玉、珊瑚、種種財穀庫藏等身，名幻化所作。於中色相或勝所見，是名殊勝，或似所見，是名相似。如是幻狀迷惑眼事故，名惑障所礙。
酉四非極遠	若不為此四障所礙，名無障礙。	
申二結名	非極遠者 謂非三種極遠所遠：	損減極遠者：謂極微色應知。分析諸色 至最後邊，是故說名損減極遠。
未一非已思應思 ^三	一、處極遠 二、時極遠 三、損減極遠。	
申一標列	如是一切 總名非不現見，非不現故，名為現量。	
申二隨釋 ^二	非已思應思現量者，復有二種：	非已思應思現量者：思惟過去，是名已思，思惟未來，是名應思。一種俱非境現在前，故名現量。
酉一纔取便成取所依境 ^三	一、纔取便成取所依境 二、建立境界取所依境。	
戌一標相	纔取便成取所依境者：謂若境能作纔取，便成取所依止。	若境能作纔取便成取所依止者：此中取言 有二種別：一、所取法 二、能取法。所取法者 如說：若境 能作纔取。能取法者 如說：便成取所依止。
戌二舉喻	猶如良醫授病者藥，色香味觸 皆悉圓滿 有大勢力 成就 ^{十六} 威德。當知此藥色香味觸纔取，便成取所依止。	猶如良醫授病者藥等者：此中學藥為喻。謂彼藥物若受用已正消變時，名為纔取。即於爾時 病勢損減 增長安樂，是名取

戊二結廣	藥之所有大勢威德，病若未愈，名為應思，其病若愈，名為已思。如是等類，名纔取便成取所依境。	所依止。當知此中，藥之色香味觸，為其所取，身受安樂，是其能取，由是喻成現量境界。病未愈時，此藥於病，名應思惟。病若愈已，此藥於病，名已思惟，唯是尋求推度境界，故非現量。
酉二建立境界取所依境 ^一	建立境界取所依境者，謂若境，能為建立境界取所依止。	若境能為建立境界取所依止者，想所取相，此名為境。能取境想，此名為取。修瑜伽者，於三摩地所行境界中，由種種想安立諸相以為所緣，是故彼想，名建立境界取。境事為依，取方得生，是故彼境，名為取所依止。
戊一標相		
戊一舉事 ^二		
亥一顯正 ^二		
天二釋 ^二		
地一舉住地想 ^二		
玄一辨思惟	如瑜伽師於地思惟水、火、風界。 若住於地，思惟其水，即住地想，轉作水想。 若住於地，思惟火、風，即地想，轉作火、風想。 此中地想，即建立境界之取。 地者，即是建立境界取之所依 如住於地，住水、火、風，如其所應，當知亦爾。 是名建立境界取所依境。	如瑜伽師於地思惟水火風界等，此中舉喻，謂瑜伽師，於地思惟水火風界。此地，名為建立境界取所依境。如是於水、於火、於風，思惟餘界義亦如是。由是說言如其所應，當知亦爾。
玄二釋得名		
地二例住水等		
天二結		
亥二簡非	此中建立境界取所依境，非已思惟，非應思惟。 地等諸界，解若未成，名應思惟，解若成就，名已思惟。 如是名為非已思，應思現量。	此中建立境界取所依境等者，地等諸界，若正思惟，未起勝解，名解未成，於爾所時，不成所依，名應思惟。起勝解已，名解成就，於爾所時，轉作餘想，名已思惟。離此二種，地等諸界，現為地等諸想之所依止，故名現量。
申二結名		
未二非錯亂境界 ^三	非錯亂境界現量者，謂或五種、或七種。	
申一標		
申二列 ^二		
酉一五種	五種者，謂非五種錯亂境界。何等為五？一、想錯亂，二、數錯亂，三、形錯亂，四、顯錯亂，五、業錯亂。	
酉二七種	七種者，謂非七種錯亂境界。何等為七？	

申二釋 _二	謂即前五、及餘三種遍行錯亂，合為十種。	
酉一舉相違 _二	何等為二？一、心錯亂，二、見錯亂。	
戌一想錯亂 _二		
亥一標相	想錯亂者：謂於非彼相，起彼相想。	
亥二舉喻	如於陽燄、鹿渴相中，起於水想。	
戌二數錯亂 _二		
亥一標相	數錯亂者：謂於少數起多數增上慢。	謂於少數起多數增上慢等者：於少謂多，稱量高舉，名增上慢。
亥二舉喻	如瞽眇者，於一月處，見多月像。	當知此慢，意識相應，故作是說。由餘所引意識錯亂故，舉喻應知。
戌三形錯亂 _二		
亥一標相	形錯亂者：謂於餘形色，起餘形色增上慢。	謂於餘形色起餘形色增上慢等者：此由解了高舉，名增上慢。
亥二舉喻	如於旋火，見彼輪形。	下二錯亂，義旨準知。
戌四顯錯亂 _二		
亥一標相	顯錯亂者：謂於餘顯色，起餘顯色增上慢。	
亥二舉喻	如迦末羅病損壞眼根，於非黃色，悉見真相。	
戌五業錯亂 _二		
亥一標相	業錯亂者：謂於無業事，起有業增上慢。	
亥二舉喻	如結拳馳走，見樹奔流。	
戌六心錯亂	心錯亂者：謂即於五種所錯亂義，心生喜樂。	
戌七見錯亂	見錯亂者：	
	謂即於五種所錯亂義，忍受顯說，生吉祥想，堅執不捨。	忍受顯說等者：忍可領受，是名忍受，此是見因。顯發宣說，是名顯說，妄計吉祥，是名生吉祥想，此是見果。堅執不捨，此見自相。
酉二結無亂	若非如是錯亂境界，名為現量。	
午二問答辨 _二		
未一問	問：如是現量，誰所有耶？	
未二答 _二		

申一標列	答：略說四種所有。	
申二隨釋 ^四	一、色根現量 二、意受現量	
酉一色根現量	二、世間現量 四、清淨現量。	
酉二意受現量	色根現量者：謂五色根所行境界，如先所說現量體相。	謂五色根所行境界等者：如先所說三現量中，諸根不壞，纔取便成取所依境，及非五種錯亂境界，是名色根現量體相。
酉三世間現量	意受現量者：謂諸意根所行境界，如先所說現量體相。	謂諸意根所行境界等者：如先所說三現量中，作意現前，建立境界取所依境，及非心見三種錯亂境界，是名意受現量體相。
酉四清淨現量 ^一	世間現量者：謂即三種，總說為一世間現量。	
戌一世間	清淨現量者：謂諸所有世間現量，亦得名為清淨現量。	
戌二非世間 ^二		
亥一標	或有清淨現量，非世間現量。	
亥二釋	謂出世智，於所行境，有知為有，無知為無。	
亥三結	有上知有上，無上知無上。	
辰七比量 ^一	如是等類，名不共世間清淨現量。	
巳一釋 ^一		
午一略	比量者：謂與思擇俱，已思，應思所有境界。	謂與思擇俱已思應思所有境界者：翻前所說非已思應思現量應知。
午二廣 ^二		
未一標	此復五種。	
未二列	一、相比量 二、體比量 三、業比量	
未三釋 ^五	四、法比量 五、因果比量。	
申一相比量 ^一		
酉一釋 ^一		
戌一標義	相比量者：	
	謂隨所有相狀相屬，或由現在，或先所見，推度境界。	

<p>戊 舉事^二</p> <p>亥 一由現所見</p>	<p>如見幢故 比知有車，由見煙故 比知有火， 如是以王比國，以夫比妻，以角犍等 比知有牛， 以膚細軟、髮黑、輕躁、容色妍美、比知少年， 以面皺髮白等相 比知是老，以執持目相 比知遁俗， 以樂觀聖者 樂聞正法 遠離慳貪 比知正信， 以善思所思、善說所說、善作所作 比知聰叡， 以慈悲、愛語、勇猛、樂施、能善解釋甚深義趣，比知菩薩， 以掉動、輕轉、嬉戲、歌笑等事 比未離欲， 以諸威儀恆常寂靜 比知離欲，</p> <p>以具如來微妙相好、智慧、寂靜、正行、神通 比知如來應等正覺具一切智。</p> <p>以於老時 見彼幼年所有相狀 比知是彼。 如是等類 名相比量。</p>	<p>以執持目相比知道俗者，持僧伽氍及以衣鉢正知而住 乃至廣說行時、住時諸所作業正知而住。由此目相 比知是遁。餘則不爾 比知是俗。</p> <p>以慈悲愛語至比知菩薩者，此說五種真實菩薩之相。菩薩地說：一者、哀愍 二者、愛語 三者、勇猛 四者、舒手惠施 五者、能解甚深義理密哀陵本四十七^{二十七}卷一頁。應準彼釋。</p> <p>以諸威儀恆常寂靜比知離欲者，謂離欲者 身業安住 諸根無動 威儀進止 無有躁擾 乃至廣說不為種種欲尋思等諸惡尋思擾亂其心。如聲聞地說陵本三十三卷三十頁。此應準知。</p> <p>以具如來微妙相等者，由諸如來 以三十二大丈夫相等莊嚴其身 名具微妙相好。四無礙解 皆悉成就 名具智慧。煩惱所知二障永斷 多住無上無等第四靜慮天住 名具寂靜。哀愍世間 令諸天人獲得義利利益安樂 名具正行。六種神通 皆悉成就 名具神通。義如菩薩地選陵本三十八卷二頁。所言應者 謂應為一切恭敬供養故。等正覺者 謂如其勝義覺諸法故。具一切智者 謂於能引攝義利法聚 於能引攝非義利法聚 於能引攝非義利非非義利法聚 遍一切種現前等覺故。亦如菩薩地說陵本三十八卷三頁。</p>
<p>亥 二由先所見</p> <p>酉 結</p> <p>中 體比量^二</p> <p>酉 一標</p> <p>酉 釋^二</p>	<p>體比量者，謂現見彼自體性故 比類彼物不現見體， 或現見彼一分自體 比類餘分。</p>	<p>如以現在比類過去 或以過去比類未來 或以現在近事比遠 或以現在比於未來。</p>
<p>戊 一以現見比不現見</p> <p>戊 以一分自體比類餘分</p>	<p>又如飲食、衣服、嚴具、車乘等事， 觀見一分得失之相 比知一切。又以一分成熟 比餘熟分。</p>	<p>如以現在比類過去等者，此釋前標現見比不現見。謂以現在現見體性 比類過去不現見體，或以過去已現見體 比類未來不現見體，或以現在現見近事 比類遠事不現見體，或以現在現見自體 比於未來不現見體。</p> <p>又如飲食衣服等者，於彼彼事樂欲轉時 或觸於利 是名為得，或觸非利 是名為失。彼彼事中，於隨一事現見或得或失 比</p>

<div> <div>酉</div> <div>釋^一</div> </div> <div> <div>戌</div> <div>標義</div> </div> <div> <div>戌</div> <div>舉事</div> </div>	<p>因果比量者：謂以因果展轉相比。</p> <p>如見有行 比至餘方，見至餘方 比先有行。</p> <p>若見有人如法事王 比知當獲廣大祿位，</p> <p>見大祿位 比知先已如法事王。</p> <p>若見有人備善作業 比知必當獲大財富，</p> <p>見大財富 比知先已備善作業。</p> <p>見先修習善行、惡行 比當興衰，</p> <p>見有興衰 比先造作善行、惡行。</p> <p>見豐飲食 比知飽滿，見有飽滿 比豐飲食。</p> <p>若見有人食不平等 比當有病，</p> <p>現見有病 比知是人食不平等。</p> <p>見有靜慮 比知離欲，見離欲者 比有靜慮。</p> <p>若見修道 比知當獲沙門果證，</p> <p>若見有獲沙門果證 比知修道。</p> <p>如是等類 當知總名因果比量。</p> <p>是名比量。</p>	<p>謂以因果展轉相比者：依因比果 依果比因 名以因果展轉相比。如下舉事，因果相比 隨應可知。</p>
<div> <div>酉</div> <div>結</div> </div> <div> <div>巳</div> <div>結</div> </div> <div> <div>辰</div> <div>八正教量^一</div> </div> <div> <div>巳</div> <div>釋^一</div> </div> <div> <div>午</div> <div>略標相</div> </div> <div> <div>午</div> <div>廣隨法^一</div> </div> <div> <div>未</div> <div>標列</div> </div>	<p>正教量者：謂一切智所說言教 或從彼聞 或隨彼法。</p> <p>此復三種。</p> <p>一、不違聖言 二、能治雜染 三、不違法相。</p>	<p>謂一切智所說言教等者：此說正教量有三種差別：若佛自說經教 展轉流布至今 名一切智所說言教 是為第一。若聖弟子從佛聽聞而有所說 名從彼聞 是為第二。或聖弟子依佛言教 如理決擇而有所說 名隨彼法 是為第三。當知此中諸聖弟子，隨應當知凡聖有別。攝事分說：若於是處說有多聞諸聖弟子，當知此中是諸異生，若於是處唯說有其諸聖弟子，當知此中說已見跋陵本九十四卷十一頁。</p>
<div> <div>未</div> <div>隨釋^三</div> </div> <div> <div>申</div> <div>一不違聖言</div> </div>	<p>不違聖言者：謂聖弟子說 或佛自說經教 展轉流布至今，不違正法 不違正義。</p>	<p>不違聖言等者：無漏 名聖。聖弟子說 或佛自說 不違正法 不違正義 順趣無漏 由是故說不違聖言。</p>

申 _二 能治雜染 _一	能治雜染者：謂隨此法善修習時	
申 _二 不違法相 _一	能永調伏貪、瞋、癡等一切煩惱及隨煩惱。	
酉 _一 標	不違法相者：謂翻違法相 當知即是不違法相。	
酉 _二 釋 _一		
戌 _一 舉相違 _二		
亥 _一 徵	何等名為違法相耶？	
亥 _二 釋 _六		
天 _一 於無相有相 _一		
地 _一 於無相	謂於無相 增為有相。如執有我有情、命者、生者等類、 或常或斷、有色無色 如是等類。	
地 _二 於有相	或於有相 減為無相。	或於有相減為無相者：此如大乘惡取空者 執一切法皆無自性 於雜染相及清淨相有損減過故。
天 _二 於定不定相 _一		
地 _一 於決定 _一		
玄 _一 標	或於決定 立為不定。	
玄 _二 釋 _一		
真 _一 於一向記法	如一切行皆是無常、一切有漏皆性是苦 一切諸法皆空、無我 而妄建立一分是常、一分無常、 一分是苦、一分非苦 一分有我、一分無我。	而妄建立一分是常一分無常等者：如計梵王是常等 名妄建立 一分是常 一分無常。如計苦樂等受實有差別 非性唯苦 名 妄建立一分是苦 一分非苦。如計我為有色、我為無色等 名 妄建立一分有我 一分無我。
真 _二 於不可記法	於佛所立不可記法 尋求記別 謂為可記 或安立記。	於佛所立不可記法等者：謂有問言：世間常耶？此不應記 但 言我說此不可記。乃至問言：如來死後有耶？無耶？此不應記 但言我說此不可記。如決擇分毘陵本六十四卷七頁。如是等 類 名佛所立不可記法。於如是事不如理思 謂為可記。或為 他說 名安立記。
地 _二 於不定 _一		
玄 _一 標	或於不定 建立為定。	或於不定建立為定等者：如說樂受貪所隨眠 苦受瞋所隨眠

玄 釋	如執一切樂受皆貪所隨眠 一切苦受瞋所隨眠 一切不苦不樂受癡所隨眠 一切樂受皆是有漏 一切樂俱故思造業 一向決定受苦異熟 如是等類。	不苦不樂受癡所隨眠 唯約多分為論 而非一向。以於樂受中 多生染著 於苦受中多生瞋恚 於不苦不樂受中計四顛倒故。 若執一切 是名相違。無漏界中 一切嚴重諸苦永斷 名勝義 樂，是故樂受 亦非一切皆是有漏。與樂俱業 非定順苦 是 故亦非一切受苦異熟。若執一切 是名相違。
天二於有差別無差別相 ^一	或於有相法中無差別相 建立差別，有差別相 立無差別。	或於有相法中無差別相等者：諸有為法 二有為相之所相故 名有相法。若於其中滅有為相 證得涅槃 是即無為 此名無 差別相。以無為法 唯有為滅之所顯故。若於其中生住異滅二 相可得 是名有差別相。顛倒建立 是名相違。如下目釋種種 應知。
地 一 標		
地 二 釋 ^二		
玄 一 舉有為無為	如於有為有差別 ^{十八} 相 於無為中亦復建立， 於無為法無差別相 於有為法亦復建立。	
玄 二 例有色無色等	如於有為無為如是 於有色無色、有見無見、 有對無對、有漏無漏 隨其所應皆當了知。	
天四於因果相	又於有相 不如正理立因果相 如立妙行感不愛果 立諸惡行感可愛果。	
天五於染淨相	計惡說法毗奈耶中 習諸邪行 能得清淨， 於善說法毗奈耶中 修行正行 謂為雜染。	
天六於假實相 ^一		
地 一 標 二 種	於不實相 以假言說立真實相， 於真實相 以假言說種種安立。	於不實相以假言說立真實相等者：言說所行 名不實相。勝義 所行 名真實相。顛倒安立 故名相違。
地 二 隨難釋	如於一切離言法中 建立言說說第一義。	
亥 二 結	如是等類 名違法相。	
戌 二 例不違	與此相違 當知即是不違法相。	
巳 二 結	是名正教。	
丑 二 問答辨 ^一		
寅 一 於所成 ^一		
卯 一 問	問：若一切法自相成就 各自安立己法性 ^{十九} 中， 復何因緣建立二種所成義耶？	若一切法自相成就等者：謂一切法 無始時來 理成就性 是 名法性。若佛出世 若不出世 一切法性 法爾安住，非由安 立名句文身 彼法成就。依此道理 故作是問。
卯 二 答	答：為欲令他生信解故 非為生成諸法性相。	為欲令他生信解故者：此中道理 如菩薩地真實義品問答諸法

寅 於能成 _四		
卯 一立宗 _一		
辰 一問	問：為欲成就所成立義 何故先立宗耶？	
辰 答	答：為先顯不自所愛樂宗義故。	
卯 二辯因 _一		
辰 一問	問：何故次辯因耶？	
辰 答	答：為欲開顯 依現見事決定道理 令他攝受所立宗義故。	
卯 二引喻 _一		
辰 一問	問：何故次引喻耶？	
辰 答	答：為欲顯不能成道理之所依止現見事故。	
卯 四同類等 _一		
辰 一問	問：何故後說同類、異類、現量、比量、正教等耶？	
辰 答 _一		
巳 一標因	答：為欲開示因喻二種相違、不相違智故。	
巳 二廣成 _一		
午 一出因緣 _一		
未 一相違	又相違者：由二因緣。一、不決定故 二、同所成故。	
未 不相違	不相違者：亦二因緣。一、決定故 二、異所成故。	
午 二成量義 _一		
未 一相違	其相違者：於為成就所立宗義 不能為量 故不名量。	
未 不相違	不相違者：於為成就所立宗義 能為正量 故名為量。	
子 五結	是名論所依。	
癸 四論莊嚴 _四		
子 一標	論莊嚴者：略有五種。	離言自性應知 陵本三十六卷二十頁。
		為先顯不自所愛樂宗義故者：謂如前說名別攝受自品所許故。
		為欲開示因喻二種相違不相違智故者：因喻二種 不能順成所立宗義 是名相違，離此過失 能順成宗 名不相違。此釋建立同類異類。若能了知此或相違 或不相違 是名為智。此釋建立現量、比量及正教量。三量為依 於彼相違 或不相違 決定了知故。
		又相違者由二因緣等者：謂若因喻 不能成自宗義 反成相違所立 名不決定 如四相違因是。又若因喻 非共所許 尚待成立 非是能成 名同所成 由所成宗 一許一不許故。不相違中二種因緣 翻此應知。

子 一 列	一、善自他宗 二、言具圓滿	
子 二 釋 一	二、無畏 四、敦肅 五、應供。	
丑 一 辨 論 相 五		
寅 一 善 自 他 宗 一		
卯 一 釋 一		
辰 一 於 自 宗	善自他宗者：謂如有一，若於此法毗奈耶中，深生愛樂，即於此論宗旨，讀誦、受持、聽聞、思惟、純熟修行，已善、已說、已明。	若於此法毗奈耶中等者：由佛善說法毗奈耶內法所攝，說名為此。攝事分說：道理所攝，名之為法。隨順一切煩惱滅故，名毗奈耶。於此論旨，依聞思修增上方便無能引奪，名為已善。辯才無盡，能立自義，名為已說。知殊勝德，名為已明。
辰 於 他 宗	若於彼法毗奈耶中，不愛不樂，然於彼論宗旨，讀誦、受持、聞思純熟，而不修行，然已善、已說、已明。	若於彼法毗奈耶中等者：惡說法毗奈耶外道所攝，說名為彼。由非道理所攝，不順煩惱寂滅故。於彼論旨，研求善巧，是故聞思，不愛不樂，故不修行。若於他說，速能了悟、速能領受，是名已善，速能酬對，是名已說，深知過隙，是名已明。
卯 二 結	是名善自他宗。	
寅 三 言 具 圓 滿 一		
卯 一 辨 聲 二		
辰 一 標	言具圓滿者：謂如有一，凡有所說，皆以其聲，不以非聲。何等為聲？	
辰 二 徵		
辰 三 釋 一		
巳 一 標 列	謂具五德，乃名為聲。一、不鄙陋 二、輕易 三、雄朗 四、相應 五、義善。	
巳 隨 釋 五		
午 一 不 鄙 陋	不鄙陋者：謂離邊方邊國鄙俚言詞。	
午 二 輕 易	輕易者：謂有所說，皆以世間共用言詞。	
午 三 雄 朗	雄朗者：所謂依義建立言詞，能成彼義，巧妙雄壯。	
午 四 相 應	相應者：謂前、後法義，相符不散。	

午五義善	義善者：謂能引發勝生、定勝，無有顛倒。	謂能引發勝生定勝者：此中勝生，謂增上生道。定勝，謂決定勝道應知。
卯二顯相 ^三		
辰一標	又此聲論，由九種相言具圓滿。	由九種相言具圓滿等者：翻下九種言過應知陵本十五卷十八頁。
辰一列	一、不雜亂，二、不麤獷，三、辯了，四、限量，五、與義相應，六、以時，七、決定，八、顯了，九、相續。	
辰三結	如是一切相，總名言具圓滿。	
寅三無畏 ^一		
卯一釋	無畏者：謂如有一，處在多眾、雜眾、大眾，執眾、謫眾、善眾等中，其心無有下劣憂懼，身無戰汗，面無怖色，音無響吃，語無怯弱。	處在多眾雜眾等者：如前已說六種處所，今應配釋：處多眾中，謂於大眾，如說四方人眾聚集處，名大集中故陵本八卷十一頁。處雜眾中，謂於樂法義者前。處大眾中，謂於王家。有大威力，名為大故。處執眾中，謂於執理家。處謫眾中，謂於賢哲者前。處善眾中，謂於善解法義沙門、婆羅門前。其心無有下劣憂懼，謂意表業，身無戰汗，面無怖色，謂身表業，音無響吃，語無怯弱，謂語表業。由此諸相，當知無畏。
卯二結	如是說者，名為無畏。	
寅四敦肅 ^一		
卯一釋	敦肅者：謂如有一，待時方說，而不僣速，	
卯二結	是名敦肅。	
寅五應供 ^一		
卯一釋	應供者：為如有一，為性調善，不惱於他，終不違越，諸調善者調善之地，隨順他心，而起言說，以時如實，能引義利，言詞柔軟，如對善友。	以時如實能引義利等者：有尋有伺地說：於邪舉罪時，有五種邪舉罪者：言不應時故，名非時語者。言不實故，名非實語者。言引無義故，名非義語者。言麤獷故，名非法語者。言狹瞋恚故，名非靜語者陵本八卷十三頁。今於此中，亦說五相，如次翻釋應知。
卯二結	是名應供。	復有二十七種稱讚功德等者：此中稱讚功德，五論莊嚴為所依止，一一配屬，隨應當知，繁不具述。
丑二釋莊嚴 ^四		
寅一總標	若有依此五論莊嚴與三論者，當知復有二十七種稱讚功德。	
寅二更徵	何等名為二十七種？	
寅三別列	一、眾所敬重，二、言必信受，三、處大眾中，都無所畏，四、於他宗旨，深知過隙，五、於自宗旨，知殊勝德，六、無有僻執，於所受論情無偏黨，	

寅四喻合	七、於自正法及毗奈耶，無能引奪， 八、於他所說，速能了悟，九、於他所說，速能領受， 十、於他所說，速能酬對，十一、具語言德，令眾愛樂， 十二、悅可信解，此明論者，十三、能善宣釋義句文字， 十四、令身無倦，十五、令心無倦，十六、言不驚溺， 十七、辯才無盡，十八、身不頓頹，十九、念無忘失， 二十、心無惱損，二十一、咽喉無損， 二十二、凡所宣吐，分明易了， 二十三、善護自心，令無忿怒， 二十四、善順他心，令無憤恚， 二十五、令對論者，心生淨信， 二十六、凡有所行，不招怨對， 二十七、廣大名稱，聲流十方。 世咸傳唱，此大法師，處大師數。 如受欲者，以末尼真珠琉璃等寶，廁環釧等寶莊嚴具， 以自莊嚴，威德熾盛，光明普照。 如是論者，以二十七種讚功德，廁此五種論莊嚴具， 以自莊嚴，威德熾盛，光明普照，是故名此為論莊嚴。 是名論莊嚴。	
子四結		
癸五論墮負 ^二		
子一標	論墮負者，謂有三種。	
子一列	一、捨言，二、言屈，三、言過。	
子三釋 ^三		
丑一捨言 ^五		
寅一標	捨言者，謂立論者，以十二種詞，謝對論者，捨所言論。	
寅一徵	何等名為十二種詞？	
寅三列	謂立論者謝對論者曰：我論不善，汝論為善， 我論不善汝論為善者，於一切法能起談論，是名為善。與此相	

寅四釋	我不善觀 汝為善觀，	導 是名不善。
寅五結	我論無理 汝論有理，	我不善觀汝為善觀者：於所立義 審知因喻二種相違 或不相違 名為善觀。若異此者 名不善觀。
丑三言屈三	我論無能 汝論有能，我論屈伏 汝論成立，	我論無理汝論有理者：立宗離過 是名有理。與此相違 是名無理。
寅一標列	我之辯才，唯極於此 過此已上更善思量 當為汝說， 且置是事，我不復言。	我論無能汝論有能者：因喻離過 是名有能。與此相違 是名無能。
寅二隨釋十二	以如是等十二種詞 謝對論者 捨所言論， 捨所論故 當知被破 為他所勝 墮在他後 屈伏於彼。 是故捨言 名墮負處。	
卯一假託於事方便而退	言屈者：如立論者 為對論者之所屈伏 或託餘事方便而退 或引外言 或現憤發 或現瞋恚 或現憍慢 或現所覆 或現惱害 或現不忍 或現不信 或復默然 或復憂感 或竦肩伏面 或沈思詞窮。	
卯二引外言	假託餘事方便而退者： 謂捨前所立 更託餘宗，捨先因喻同類、異類、 現量、比量、及正教量 更託餘因乃至正教。	
卯三現憤發	引外言者： 謂捨所論事，論說飲食、王臣、盜賊、衢路、倡優等事， 假託外緣 捨本所立 以遣他難。	
卯四現瞋恚	現憤發者：謂以麤獷不遜等言 擯對論者。	
卯五現憍慢	現瞋恚者：謂以怨報之言 責對論者。	
卯六現所覆	現憍慢者：謂以卑賤種族等言 毀對論者。 現所覆者：謂以發他所覆惡行之言 舉對論者。	

卯七現惱害	現惱害者：謂以害酷怨言 罵對論者。	
卯八現不忍	現不忍者：謂發怨言 怖對論者。	
卯九現不信	現不信者：謂以毀壞行言 謗對論者。	
卯十默然	或默然者：謂語業頓盡。	
卯十一憂感	或憂感者：謂意業焦惱。	
卯十二疎肩伏面	疎肩伏面者：謂身業威嚴 而頓萎頓。	
卯十三沈思詞窮	沈思詞窮者：謂才辯俱竭。	
寅三結略義	由如是等十二種事 當知言屈。前一、妄行矯亂， 中七、發起邪行，後四、計行窮盡。 是名言屈 墮在負處。	
丑三言過 ^五	言過者：謂立論者 為九種過汙染其言 故名言過。	
寅一標	何等為九？	
寅二徵	一、雜亂 二、麤獷 三、不辯了 四、無限量	
寅三列	五、非義相應 六、不以時 七、不決定 八、不顯了， 九、不相續。	
寅四釋 ^九	雜亂者：謂捨所論事 雜說異語。	
卯一雜亂	麤獷者：謂憤發掉舉 及躁急掉舉。	
卯二麤獷	不辯了者：謂若法、若義 眾及對論所不領悟。	
卯三不辯了	無限量者：謂所說義 言詞復重 或復減少。	
卯四無限量	非義相應者：當知有十種。	
卯五非義相應 ^一	一、無義 二、違義 三、損理 四、與所成等	
辰一標	五、招集過難 六、不得義利 七、義無次序，	
辰二列	八、義不決定 九、成立能成 十、順不稱理諸邪惡論。	
		謂憤發掉舉等者：遇不饒益不能堪忍 由是憤發 令心掉舉， 是名憤發掉舉。非理尋思 忽遽而轉 由是躁急 令心掉舉， 是名躁急掉舉。
		非義相應等者：引不可愛生 是名無義。不引可愛生 是名違 義。不順道理 是名損理。因喻相違 非所極成 是名與所成 等。引他徵詰 是名招集過難。空無自義 是名不得義利。以 餘因喻 成此因喻 是名成立能成。餘文易知。

卯六不以時 卯七不決定 卯八不顯了 卯九不相續 寅五結 癸六論出離 ^二 子一標 子一列 子二釋 ^三 丑一觀察得失 ^一 寅一釋 ^二 卯一辨觀察 卯二顯出離 ^一 辰一於不應作	<p>非時者：謂所應說 前後不次。</p> <p>不決定者：</p> <p>謂立已復毀 毀而復立 速疾轉換 難可了知。</p> <p>不顯了者：謂言招譏弄 不領而答；</p> <p>先為典語 後為俗語 或先俗語 後復典語。</p> <p>不相續者：謂於中間言詞斷絕。</p> <p>凡所言論 犯此九失 是名言過 墮在負處。</p> <p>論出離者：謂立論者 先應以彼三種觀察 觀察論端 方興言論 或不興論 名論出離。</p> <p>三種觀察者：</p> <p>一、觀察得失 二、觀察時眾 三、觀察善巧及不善巧。</p> <p>觀察得失者：謂立論者 方興論端 先當觀察我立是論 將無自損、損他、及俱損耶？</p> <p>不生現法、後法、及俱罪耶？</p> <p>勿起身心諸憂苦耶？</p> <p>莫由此故 執持刀杖、鬥鬪爭訟、詔誑妄語而發起耶？</p> <p>將無種種惡不善法而生長耶？</p> <p>非不利益安樂若自、若他 及多眾耶？</p> <p>非不憐愍諸世間耶？</p> <p>不因此故 諸天世人無義無利不安樂耶？</p> <p>彼立論者如是觀時 若自了知我所立論 能為自損</p>	<p>觀察得失至或作不作論出離相者：此中自損、損他及與俱損 乃至身心憂苦。如前有尋有伺地釋應知陵本九卷九頁。執持刀杖等 謂身語惡行。種種惡不善法 謂欲恚害尋伺。如是等類為觀察時 是名觀察過失。利益安樂 若自若他 乃至天人義利 及與安樂 如是等類為觀察時 是名觀察功德。若墮過失 不引功德 是不應作 便不興論；若離過失 能引功德 是所應作 當興言論 是名第一或作不作論出離相。</p>
---	--	---

辰 _二 於所應作	乃至天人無義無利，亦無安樂，便自思斂，不應立論。	<p>觀察時眾等者：此中僻執，謂於惡見諸外道前。賢正，謂於賢哲者前。善巧，謂於善解法義沙門、婆羅門前。於此時眾，應善觀察，或不興論，或興言論，是名第二或作不作論出離相。</p> <p>觀察善巧不善巧等者：於觀察義諸所有事，能審思擇，是名善巧，不審思擇，名不善巧。諸所有事，謂即前說論體乃至論多所作法，故於文中，置有等言。於此諸事，應善觀察，或不興論，或興言論，是名第三或作不作論出離相。</p>
寅 _二 結	若如是知，我所立論，不為自損。	
丑 _二 觀察時眾 _二	乃至能引天人義利，及與安樂，便自思斂，當立正論。	
寅 _二 釋 _二	是名第一，或作不作論出離相。	
卯 _一 辨觀察	觀察時眾者：謂立論者，方起論端，應善觀察現前眾會，為有僻執，為無執耶？為有賢正，為無有耶？為有善巧，為無有耶？	
卯 _二 顯出離 _二		
辰 _一 於不應作	如是觀時，若知眾會唯有僻執，非無僻執，唯不賢正、無有賢正，唯不善巧、無善巧者。便自思斂，於是眾中，不應立論。	
辰 _二 於所應作	若知眾會無所僻執，非有僻執，唯有賢正，無不賢正，唯有善巧，無不善巧，便自思斂，於是眾中，應當立論。	
寅 _二 結	是名第二，或作、不作論出離相。	
丑 _二 觀察善巧及不善巧 _二		
寅 _二 釋 _二	觀察善巧不善巧者：謂立論者，方起論端，應自觀察善與不善。我於論體、論處、論依、論嚴、論負、論出離等，為善巧耶？不善巧耶？我為有力、能立自論摧他論耶？於論負處，能解脫耶？	
卯 _二 顯出離 _二		
辰 _一 於不應作	如是觀時，若自了知我無善巧，非有善巧，我無力能、非有力能。便自思斂，與對論者，不應立論。	

辰 於所應作	若自了知 我有善巧 非無善巧，我有勢力 非無勢力。 便自思勉 與對論者 當共立論。 是名第三 或作、不作論出離相。	
寅 結 癸十論多所作法 ^一		
子 一標列相	論多所作法者：謂有三種於所立論 多所作法。 一、善自他宗，二、勇猛無畏，三、辯才無竭。	論多所作法至辯才無竭者：論莊嚴中說有五種 今於此中唯取其二 名多所作。謂善自他宗、言具圓滿 及與無畏。所餘二種 於所立論 非多所作，是故不說。辯才無竭 即彼言具圓滿所攝應知。
子 二問答辨 ^一		
丑 一問	問：如是三法 於所立論 何故名為多有所作？	
丑 二答	答：能善了知自、他宗故 於一切法能起談論， 勇猛無畏故 處一切眾能起談論， 辯才無竭故 隨所問難皆善酬答。 是故此三 於所立論 多有所作。	
庚 四聲明處 ^一		
辛 一結前生後	已說因明處。云何聲明處？	
辛 二標列隨釋 ^一		
壬 一標列 ^一		
癸 一長行	當知此處略有六相。 一、法施設建立相 二、義施設建立相 三、補特伽羅施設建立相 四、時施設建立相 五、數施設建立相 六、處所根栽施設建立相。 溫陀南曰： 法義數取趣 時數與處所 若根栽所依 是略聲明相	
癸 二溫陀南		
壬 二隨釋 ^六		
癸 一法施設建立 ^一		
子 一徵	云何法施設建立？	云何法施設建立等者：此中名句文身 決擇分中別釋其相 陵本五十二卷十二頁。五德相應聲相差別 如前已說。
子 二釋 ^一		

丑一標一切	謂名身、句身、文身、及五德相應聲。	<p>云何義施設建立等者：此中十種，約有情生差別為論。又復六種，約諸法生差別為論。於十種中，根建立者：謂內六處，是有情生所得自體故。大種建立者：謂外四大，是有情生所依處故。業建立者：謂造諸業，身、語、意三多所作故。尋求建立者：謂習學世俗言說等事。非法建立者：謂成就不善業道。法建立者：謂成就諸善業道。興盛建立及衰損建立者：謂一切有情業報證得。受用建立者：謂受用資具。守護建立者：謂此有情於餘有情。嬰孩童子位中，恆常隨逐不令起作非時之行，及不平等行，是名守護。知其所欲，力求飲食，而用資長，是名育養。如是乃至長大種類，諸根成熟，是名盛滿。於六種中義差別者：如說眼識，依眼了別色，是名自性義，彼種子依，是名因義，已生現行，是名果義，唯了別自境所緣等，名作用義，與餘心所有法俱有相應，名差別相應義。要眼不壞，色現在前，能生作意，正復現起，所生眼識，方乃得生，是名轉義。如說眼識，於餘一切，如應當知。</p>
丑二列五德	一、不鄙陋 二、輕易 三、雄朗 四、相應 五、義善。	
癸二義施設建立 _一	云何義施設建立？	
子一徵		
子二釋 _二		
丑十種 _三		
寅一標	當知略有十種。	
寅二列 _一		
卯一長行	一、根建立 二、大種建立 三、業建立 四、尋求建立 五、非法建立 六、法建立 七、興盛建立 八、衰損建立 九、受用建立 十、守護建立。	
卯二 嚧怛南	嚧怛南曰： 眼等與地等 身等及尋求 非法法興盛 衰損受用護	
寅三釋 _十		
卯一 根建立	根建立者：謂見義、聞義、嗅義、嘗義、觸義、知義。	
卯二 大種建立	大種建立者： 謂依持等義、澆潤等義、照了等義、動搖等義。	
卯三 業建立	業建立者：謂往來等義、宣說等義、思念覺察等義。	
卯四 尋求建立	尋求建立者：謂追訪等義。	
卯五 非法建立	非法建立者：謂殺、盜等義。	
卯六 法建立	法建立者：謂施、戒等義。	
卯七 興盛建立	興盛建立者：謂證得、喜悅等義。	
卯八 衰損建立	衰損建立者：謂破壞、怖畏、憂戚等義。	
卯九 受用建立	受用建立者：謂飲食、覆障、抱持、受行等義。	

卯十守護建立	守護建立者：謂守護、育養、盛滿等義。	
丑六種 ^一		
寅一標	又復略說有六種義。	
寅一列 ^一		
卯一長行	一、自性義 二、因義 三、果義 四、作用義 五、差別相應義 六、轉義。	
卯一嘔陀南	嘔陀南曰： 自性與因果 作用相應轉	
癸三補特伽羅施設建立	云何補特伽羅施設建立？ 謂建立男女、非男非女 聲相差別， 或復建立下 ^三 、中、上士 聲相差別。	或復建立下中上士聲相差別者：下中上士有多差別 決擇分中廣釋其相陵本六十一卷十五頁。
癸四時施設建立	云何時施設建立？謂有三時聲相差別。 一、過去過去殊勝 二、未來未來殊勝 三、現在現在殊勝。	謂有三時聲相差別等者：如說剎那過去、剎那未來、剎那現在，是名過去殊勝、未來殊勝、現在殊勝。為顯無常 此最勝故。所餘無常 三世差別 非唯剎那 是名過去、未來、現在。
癸五數施設建立	云何數施設建立？謂有三數聲相差別。 一者、一數 二者、二數 三者、多數。	
癸六處所根栽施設建立 ^二		
子一徵	云何處所根栽施設建立？	
子一釋 ^一		
丑一處所	當知處所略有五種。 一、相續 二、名號 三、總略 四、彼益 五、宣說。	當知處所略有五種等者：謂別別字展轉相續以成其義 是名相續。於一一法立多種名而為呼召 是名名號。或總略說 或處中說 或廣長說 如其次第 名為總略、彼益、宣說。如是五種 聲、名、句、文 為其體性 是名處所。若依字體 所造界頌 說名根栽。此為根本聲所依故。由此三種 皆其所依 故總建立。
丑二根栽	若界頌等 名為根栽。	
子二結	如是三種 總名處所根栽建立。	
庚五工業明處 ^一		
辛一結前生後	已說聲明處。云何工業明處？	

辛二 總標別列三 壬一 標 壬二 徵 壬三 列	謂於十二處 略說工業所有妙智 名工業明處。 何等十二工業處耶？ 謂營農工業、商賈工業、事王工業、書算計度數印工業、 占相工業、咒術工業、營造工業、生成工業、防邪工業、 和合工業、成熟工業、音樂工業。	
----------------------------------	---	--

